

行水金鑑

五十六
六十

ル 5

1174

3



門 几 5
號 1174
卷 3

行水金鑑

卷第五十六

中憲大夫分巡淮揚等處地方兼理漕務海防河道鹽法屯軍事務江甯提刑按察使司副使卞級傅澤洪錄

河水

黃河源遠流疾其勢屈曲而多沙大汛一至輒高數十尺是以有潰溢之患至於潰溢則其流散漫水緩沙停下流或淤上流日益奔潰矣淮水不及黃河之遠發自河南之桐柏山納七十二山溪之流又會洪澤阜陵諸湖而出於清河縣之東每伏秋水漲其高亦數十尺此黃與淮古並稱為二瀆也自宋熙寧間黃河南徙會於淮於是淮黃合流入海者迄今六百



行水金鑑卷五十六
餘年前代治河之法雖隨時變通然其大要在固守其隄防弗使暴漲之水得而乘之設有衝決則亟塞其口弗使澁漫如是而已當治安之時人情懈弛修守弗謹一遇暴雨橫決隨之及其既決水分勢緩正流漸堙人不之察以為故道不可復而欲謀其新故往年高堰唐埂不修淮水東潰清口流澀黃水因而躡之清口遂淤人不以咎淮之東而謂清口不可疏也黃水倒入清口加以兩岸潰決以致海口泥沙壅塞人不以咎黃流之失其軌而謂海口不可通也且創為攔黃壩以障之河工之潰壞至斯而極惟我皇上睿智如神指授方略盡毀攔黃壩大開清口連開

張福口張家莊諸引河堅築唐埂六壩自是淮水悉出而會黃淮黃相合其力自猛流迅沙滌海口深通兩河皆循故道淮揚諸州邑數十年在波濤中者一旦復為耕稼之區下流既暢上流亦不至潰溢即宿桃徐邳以西至中州所屬凡濱河之民俱可無胥溺之慮矣後之防河者藉此成規時時修補弗致廢壞即千萬年長治之道也臣鵬翮愚蒙仰承

聖訓幸覩成功不勝欣慶謹將歷年修防事宜分段詳列於後俾天下咸知

皇上平成之偉績云

以下俱張文端治河書

河南黃河南岸自陝西潼關

蒼葦云潼關衛在西安府華陰縣東北四十里南有潼谷潼水出此東北

有黃卷坂在黃河南岸其坂隆起下望關城北有黃河自華陰縣流入與山西蒲州接界東入河南閿鄉縣界志城北一里水中有石高水丈餘河水漲其石不沒因謂之砥柱石西有潼河源出潼谷入河本朝康熙十九年潼水漲溢陵城而入城中兩岸居民溺死者二千三百餘人漂沒官民廬舍百餘間已而水縮河裂岸東徙故道竟成平陸東南有潼關故城古桃林塞即峭西也亦曰函谷秦函谷關在漢弘農縣即今靈寶縣西南十一里漢武帝徙新安即今新安縣東一里故關是也隋大業七年移於南北鎮城間唐天授二年移向北近河為路即今關也其地上躋高嶠俯視洪流歷峭函而至潼津數百里間盤紆峻極實為天險河之北岸為風陵津又北至蒲關六十里河山之險逆還相屬

入閿鄉縣境經靈寶陝州

澠池新安孟津鞏縣

蒼叢云閿鄉縣在河南府陝州西南一百二十里

山西芮城縣分界東入靈寶縣界西有玉澗水全鳩水郎水東有盤澗水西南有阿對泉楊震家僮名阿對引泉灌蔬因名西有周閿鄉縣故城本故湖縣鄉名東有湖城廢城本秦湖關西有潼關接華陰界又有曹公壘有舊城靈寶縣在陝州西少南六十里東南有峴山曹陽水出此亦名好陽澗入河西南有石堤山柏谷水出此入河又有石城山燭水出此入河北為黃河自閿鄉縣流入東入陝州界又有門水自洛南縣流入亦名弘農澗東有蓄水南有弘農渠引水入城又有豐盛等五十渠歷代相繼修浚引山水灌田陝州在河南府西三百里東北有砥柱山在黃河中去州四十里禹貢導河自華陰東至於砥柱西北有黃河自靈寶縣流入東入澠池縣界又有公主河在三門山左唐開元中鑿此通漕以避三門之險約百丈許復入於河西有七里澗自南山通河

西南有澠水東有清水自永寧流入北入於河又有利人渠二廣濟渠一皆引水入城以代井汲今淤塞州城北黃河中有鐵牛頭南尾北世傳禹鑄以鎮河患澠池縣在河南府西一百六十里東北有澠池山澗水出焉西南有馬頭山穀水出焉南流入新安界北有黃河自陝州流入與山西垣曲縣分界東入新安縣界河水自砥柱而下至五戶澗其間一百二十里疎石築出勢連襄陸合一十九灘水迅同三峽破害舟船自古所患按志稱黃河上自三門集津下迄釣魚背奔流迅激舟筏恒覆唯南村與垣曲接界稍平為古渡云東南有天池橫潦無源有平泉源出平地民資灌溉西有漢澠池縣故城新安縣在河南府西七十里東南有瞻諸山慈澗水出焉澠諸川水入穀南有密山豪水出焉注洛西南有郁山練谷水出焉一名牛谷山入穀西北有隊山長垣河出焉又有驪山回水出焉東北有北邙山西北有漏明巖北有沙崖馬陵川出焉北有黃河自澠池縣流入東入孟津縣界又有長泉水即庸庸水入河南有澗水自澠池縣流入入穀南有穀水自澠池縣流入東入洛陽西北有龍澗河入穀東有孝水接洛陽界入穀自南山橫洛水北屬於河皆關塞也孟津縣在河南府東北四十五里東有龍門山南有邙山北有黃河自新安流入又東入鞏縣界明嘉靖十七年水漲縣圮蓋孟津兩岸平闊河勢漸漲潰決之患實自縣始西有委粟津又有高渚亦黃河津濟處又有馬渚北有三渚西有滂河又有庸庸水自新安縣流入入河西有瀝水出蘇山西一里平地發源入洛陽府志源出穀城山自高廟溝起與九眼泉合流入縣東北有永安堤唐時築石堤當河陽孟津兩岸高五丈闊如之延六七十里今在南岸者止有二三里在北岸者盡決鞏縣在河南府東北一百二十里南有寒戰山山形高峻下臨玉仙河又有亂石山下有五泉北有黃山臨河東北有神尾山宋都水丞范子淵

議引汴入汴處北有黃河自孟津縣流入與溫縣接界又東合洛水入汴水縣界禹貢河自孟津東過洛汭又有鮪渚在縣北河中西北有洛水自偃師縣流入東至汜水縣界始入河西有鄂水接偃師縣界西南有羅水源自登封縣界東北入洛又有明谿泉水源出青龍山匯亂石山五泉之水入洛西有涅水東門外有市河俱入洛東南有石子河即古洞水也一曰玉仙河發南溪石泉又北入洛以上七州縣俱屬河南府

汜水河陰至滎

澤縣而始有堤工 蒼叢云汜水縣在鄭州西一百四十里東南有方山泉環翠峪下有柏池泉有玉仙山山上有玉仙元君祠祠前有二泉一為小龍池為小里河源一為黃龍池即汜水源既出而伏再見於神母祠下之柏池又長羅水亦出焉西有大伍山亦名九曲山山之東盡於玉門山為汜水入河處北有廣武山其山沿河袤六十里西盡於玉河與大伍相對西南有翠屏山在城南河外東北有孤柏嶺一峰北出砥柱河流宋祥符中議於南岸山址開汴口以均水勢又有分水嶺在五雲山峯之間嶺有泉南流為桃花河北流為竹葉河北為黃河自鞏縣流入洛水入焉又東入河陰縣界北有洛水舊自鞏縣入河今則過成臯東至滿家溝入河北有濟河自溫縣流入又南十里合於

清濁分行者數里乃溢為滎又有汜河有二源俱出方山合諸水至縣治為錦陽川又受柳泉水北出玉門合洛東入於河南有登固川又有竹川地獨膏腴東有湯王溝又有金家溝在臥龍山北濼則穿城壞廬舍至今患之東北有板渚南屬鵲山以臨汜水隋開通濟渠自板渚引河歷滎澤入汴河陰縣在鄭州西北五十里東北有廣武山西自汜水東迤滎澤外捍大河內包原壤汴水

從廣武澗中東南流今澗北有武濟山即廣武支隴地屬孟津相傳為周武王濟河處宋元豐中范子淵議導洛通汴屢請於武濟山麓修堤置埽是也北為黃河自滎陽流入東入滎澤界有捺兔源河在廣武埽對岸分減埽下漲水也宋大觀中詔沈純臣開宣和初又浚治焉西南有澹然河源出漫泉一名窟河至滎澤縣達於河南有索河自滎陽流入與京水合又東入滎澤縣界西有石門渠滎澤受河之處即禹貢導滎水之道亦曰滎口亦兼邲之稱晉楚之戰楚軍於邲即此水也後漢靈帝時於敖城西北壘石為門以遏浚儀渠口水門廣十餘丈西去河三里水盛則通於河水耗則輟流魏黃初中河濟泛溢鄧艾議開石門以通之晉武帝時復壞傅祗為滎陽太守造沉萊堰於是兗豫無水患東北有清水即濟水舊流也今堙東有河陰舊城滎澤縣在鄭州北少西四十里西北有敖山殷仲丁自亳徙置即此明成化十五年知縣曹銘以水患徙築今縣北為黃河自河陰縣流入又東入原武縣界志曰滎澤地稍下水所鍾也新志黃河舊在縣北十里近漸南徙逼近縣城弘治時撫臣徐恪言決河湍悍之勢未可遽回今自孫家渡口舊河東經朱仙鎮下至項城南頓猶有涓涓之流若疏之由泗入淮可殺上流之勢時多從其策東北有浪蕩渠西通河洛南達江淮隋通濟渠也煬帝開此以巡幸江都今堙南有賈魯河亦堙西南有澹然河自河陰流入達於大河治南有滎澤河禹貢濟水入於河溢為滎又曰滎澤既渚其衛及狄人戰於滎澤則在河北非此澤也左傳楚潘黨逐晉魏錡及滎澤亦此北有隋滎澤故城為河水所圮西

自此而鄭州原武陽

武中牟祥符陳留蘭陽儀封 蒼叢云鄭州在開封府西少南一百四十里北為黃河東有鄭水出梅山

東北入賈魯河明天啓中知州劉光祚疏之起州北至州東接中牟境可通舟楫其州西北白沙而上河身特高常有水患光祚又濬之令民穿渠蓄洩溉田數千頃商賈通流民以為便西有須水明正德時鑿之以扞河患今洪東南有七里河其源有三一出泰山一出梅山一出站馬屯會流於此入賈魯河東有潮河出礮巴廟前每日三潮因名下合賈魯河東有龍池河是李衛公廟後湖周三里許居民依水種蓮東南有僕射坡源出雷家潭周十八里後魏孝文帝賜僕射李冲故名今名城湖東有圃田澤與中牟接界原武縣在開封府西北一百二十里南有黃河本在縣北自滎澤縣流入東入陽武縣界明正統十三年河決滎澤始改而南弘治初河又決分為三衝張秋十四年知縣張愷築護城堤十四里城中乃無水患嘉隆以來河屢決屢塞議之者止移隄以避水衝致正南逼近十五里許如縣治生靈何宜俟秋冬水退漸移堤埽向南始為完策南有古濟水與古陰溝水今皆混入黃河西北有沁河自武陟縣東入黃河南有賈魯河過秋水泛漲與沁河皆為民田患陽武縣在開封府西北九十里東有脾沙岡西有黑洋山河決後皆淪於河南為黃河自原武縣流入東入封丘縣界舊流本在城北決溢不時遂徙而南自五代周至明末河決不可勝計西北有濟水今自溫縣東入大河不至縣境東南有白溝亦名清水亦名白河流至封丘境內曰翟溝西有沁水自武陟縣流入後築堰截入黃河其故渠皆為桑田本朝順治十一年築慕家樓新堤長五百七十二丈幫堤長六百零二丈又潭口寺北月堤長六百三十三丈幫堤長五百丈中牟縣在開封府西七十里北有牟山南有馬陵岡長五十餘里即故河隄北為黃河自原武縣流入東北入祥符縣界北有汴水亦自原武流入東入祥符即篋蕩渠也亦名鴻溝亦名官渡水明正統七年滎澤縣知縣李全芳以滄沒民田奏請開

塞改流入黃河遂淤為平地南有汜水東流入官渡水今涇東南有刁馬河今涇西有鄭水源出鄭州至東牟漑田千餘頃下入於汴北有金水河自鄭州流入東入祥符界下流與黃河相通縣境諸水所歸每淤塞則灌沒民田萬曆中屢加疏導又有雙洎小清河即鄭風所詠清人在旁者源出新鄭縣至縣西東北流入丈八溝北有灘頭河係黃河支流自滎澤流入東南入尉氏縣界西有圃田澤東西五十里南北二十六里西限長城東起官渡高者可耕窪者成潭滙為澤者八為圃者二十四中年志載九溝八澤三十六陂按明范守已據穆天子傳以為自涇川北抵中牟西東連尉氏西接新鄭周圍三百餘里總謂之圃田縣城內有海子河上有海子橋橋南北各有河俱出水門注城濠入小清河東有唐中牟舊城祥符縣即開封府治西北有駝牟岡河決後今為平陸東北有赤岡西有狼城岡明萬曆末河決於此東北有槐疋疋岡明萬曆中河決於此斷堤成潭西北有黑岡明崇禎中河決於此北為黃河自中牟縣流入東入陳留縣界南有汴河自中牟縣流入又東入陳留縣界即篋蕩渠分流也水經汜水出陰溝浚儀縣北鄴注陰溝即篋宕渠也自王賁灌大梁水出縣南而不經其北汜水又東經倉垣城內又東至陳留隋大業初開通濟渠元和志云浚儀有琵琶溝水西自中牟縣流入通濟渠隋自大梁城西南鑿渠引汴水即篋宕渠也元至元二十七年汴始淤塞明初欲以大梁為北京議浚汴不果今一望平陸無復堤渠故跡矣宋都汴時汴蔡諸水漕舟城中溝洫互通自明季灌沒後深溝淤為高阜大壑變為平原土中往往得其遺跡北有浚水西有寒泉陂見衛凱風詩東南有蔡河自中牟縣流入東南入通許縣界水經注篋蕩渠自中牟東流至浚儀縣分為二水南流曰沙水東注曰汴水沙即蔡河也元至元二十七年河決祥符義唐灣蔡水上流涇沒明洪武八年大河南決挾

穎入淮蔡河之下流亦漸絕北有五丈河九域志曰即禹貢之荷澤從城北歷陳留曹濟及鄆其廣五丈周顯德五年疏汴水北入五丈河東經定陶北入於濟以通齊魯舟楫皆通宋時河塞又引京索二水入之金元以後混入黃河西有金水河其上源即滎陽縣之京水匯入五丈河者今滎城東有白溝河河無山源以滎澗為盈竭城西有金明池周九里餘引滎水注之名教船池又曰講武池今滎西北有沙海隋文帝疏舊渠引汴水注之以習舟師今塞南有蓬澤西南有霧澤陂並滎西北有漢浚儀廢城本魏大梁城也東北有隋堤一名汴堤西通濟水南達淮泗今遺跡僅存西北有翟家渡自劉豎醫以下皆河津要害唯翟家口為官渡 陳留縣在開封府東少南五十里北有黃河自祥符縣流入東入蘭陽縣界北有汴河自祥符流入縣界東入杞縣又有蔡河自祥符縣流入南入通許即沙河也今澗北有睢水沙水分流東入杞縣界開通濟渠後此水廢西北有魯溝水亦沙水支流今澗東北有巴河一名沁水黃河支流自封止縣流入又東入蘭陽界今澗縣北有秦陳留故城東北有魏小黃故城蘭陽縣在開封府東少北九十里北有黃河自陳留縣流入又東入儀封縣界北有賈魯河又有馬蹄河一名清河皆故河所經也南有巴河自陳留縣流入東入儀封縣界亦名沁河北有古濟水今入於河西北有趙皮寨一名張祿口又有銅瓦廂集明設管河主簿今廢北有舊長堤長四十五里 儀封縣在開封府東少北一百十里東北有黃陵岡與山東曹縣接界北有青陵岡又北有黃河自蘭陽縣流入東經考城入曹縣界縣有七河曰北舊黃河在東北五十里曰南舊黃河在西南三里曰賈魯河在黃陵岡南二里曰龐家河在北八里曰圈頭河在北五里曰巴河曰新河在黃河南新挑以分殺水勢者皆黃河轉徙所經忽南忽北穿縣境殆遍今唯有賈魯河巴河故道湮圯頭龐家二河

堤如故北有黃渡河周六十餘里蓋大河所溢也今澗為田又有古濟水蓋南濟也有漢濟陽故城東北有小宋狀元堤北有方家莊小堤河南岸有舊縷堤北岸有舊遙堤黃陵岡相近有三家莊堤 以上州縣俱屬開封府

考城商北虞城

舊叢云考城縣在歸德府睢州北九十里北有

黃河自儀封縣流入經曹縣入府界自古為衝決之所堤防最切北有賈魯河又有沁河自儀封流入一名巴河南有沙河與故城河旱澗水溢亦為民害南有汴河自杞縣流入東入商北界北有黃水自杞縣流入北流入定陶界西南有大薺陂黃水注焉即戴陂也北有護城堤近為小堤遠為大堤今小堤頽圯過半西南有長堤起儀封商北上下七十里然去河甚遠漲溢時此堤阻塞轉為民害 商北縣即歸德府治西南有商北北有黃河自考城縣流入又北入虞城縣界自元至大後河決而南歸德常在河北至順以後河決而北歸德仍在河南迄明正統以後河又決而南歸德又在河北正德以後則仍在河南其新集口丁家道口皆河濱衝要嘉靖三十七年新集河決河流於是一變按大河舊道乃元賈魯所復勢若建瓴上下順利後因河南水患頗急另開一道出小河口意欲分殺水勢而河不兩行大河日漸淺澀自新集至小浮橋凡二百五十餘里河流北徙出碭山縣治之背趨單縣東南之段家口析為六股俱由運河至徐家洪又析為五小股亦由小浮橋合徐家洪大河分十一流而勢弱矣勢弱則淤益多淤多則決溢愈甚詳見徐州碭山等州縣西南有馬腸河源出舊黃河逾毫達淮北有泡水自考城縣流入東入虞城縣界北有古汴水自寧陵縣流入東入虞城縣界宋時東南之漕由汴達畿故經理為詳南遷後日就湮廢明嘉靖中雖修復後又淤加以河流衝決陵谷倒置汴水斷續幾不可問矣南有古睢水自寧陵縣流入東入夏邑縣界今湮其曰穀水者即睢

水也南有蕪水又有渙水一名澱水今皆湮東北有孟諸澤接虞城縣界禹貢導荷澤被孟諸東北有滎澤北有漆溝東有新溝明萬曆時開以洩水東有清冷池東南有武津關西北有鳳池口其地與城中龍興塔平元人圍歸德決此口河水從西北而下至城西南入故睢水遶城反以水為固北有丁家道口接虞城縣界當黃河津要東有白沙渠石梁渠宋張元知應天府治此二渠民無水患舊城外三里有隋堤今廢 虞城縣在歸德府東北七十里北有黃河自商北流入東入江南徐州碭山縣界又有巴河黃河支流也又有小股河繞城入黃河按虞城上接考城下接碭山鄰比數縣土皆卑下每經河溢互相傾注河決考碭則土聚虞城河潰虞城則土聚考碭故舊道盡湮歷年水患無已欲浚支河則易淤塞欲築隄防則無山陵可倚若於李景高口西岸浚水南行則縣境之流自殺又自楊厚口起築堤分水使下流有歸然後河不為患北有汴河自商北流入東入碭山縣界亦名獲水北有豐水自商北流入東入山東單縣界西有孟諸澤與商北接界今俗呼為涓臺蓋澤中有臺也西有丁家道口北有羅家口皆黃河要地西南有北堦堤南有中堦堤北有韓家後堤 以上三縣俱屬

至江南徐州之碭山縣界北岸自山西垣曲縣

蒼葢云垣曲縣在山西平陽府絳州東南二十里東北有王屋山接河南濟源縣及陽城縣界西北有黃河自平陸縣流入東入河南濟源縣界

源縣境經孟縣温縣武陟

蒼葢云濟源縣在河南懷慶府西七十里東北有太行山南有黃河自垣曲縣流入與洛陽分界又東入孟縣界北有濟瀆東南流入孟縣禹貢導沔水東流為濟西南有溟水東經孟縣入河新志溟水一出姑嫂山一出五指山一出秦

嶺山至三河口合流與澠水合東南入孟縣界入河北有澠水源出莽山入溟西南有溟水入沁北有沁水自陽城縣流入東入河內界東有千倉渠濟水分流也有上下二堰東北有馬頭溪西北有望仙溪西有東陽澗西陽澗西有七谷溝東有玉泉 孟縣在懷慶府南少西五十五里南有黃河自濟源縣流入與孟津縣接界河廣二里又東入温縣界南有孟津一名富平津一名陶渚西南有冶坂津北有沁水即濟水自濟源縣流入入河北有溟水自濟源縣流入南合沁水入河內有冶河即濟源之天漿溪也北有餘濟河沁水分流也縣人引以溉田南有萬艘潭在黃河側舟所泊也西有河陽廢縣南有下孟州故城即古北中城也金大定中州治以河患因於故城北十五里築新城徙治焉曰上孟州故城曰下孟州東魏又築南城在今孟津縣界及中潭城在今縣西南是為三城 温縣在懷慶府東南五十里南有黃河自孟縣流入與鞏縣接境又東入武陟縣界舊離城二十里今逼近城隈西有濟水自孟縣流入南入河當王莽時川瀆枯竭其後津梁勢改不與昔同今則故道盡陷河中北有廣濟河沁水分流也自河內縣流入東南入河又有温潤渠亦沁水分流隋刺史盧賁於河內引沁為利人河又派流入温縣故名温潤新府志有豐稔河分廣濟河水南流入温即此北有澇水通豐稔河東有平阜陂多菱荇蒲葦陂南即黃河西南有李陂今湮西有小金隄障濟溟二水明初築名沁河堤成化間增築長二十里 武陟縣在懷慶府東一百里南有清風嶺瀕河黃河自温縣流入與河陰縣接界東入原武縣界東有沁水自河內縣流入至南賈村入河其支流入縣北東引灌田二千餘頃入修武縣界西南有廣濟河沁水分流也今涸西北有小丹河即丹水分流之長明溝也今淤乾溝猶存又有上清河即丹水

分流之蔡溝也自河內縣流入東入修武之三橋陂入衛東北有蓮花池在沁
河東岸地名木樂店去衛河百里明萬曆中沁河從此決入衛以上四縣俱屬懷慶府
亦至滎澤縣而始有隄二自此而原武陽武封止
蒼叢云封止縣在開封府北六十里北有黑山東北有淳于岡與黑山皆湮於
水南有黃河本在縣西北金明昌五年河決陽武灌封止而東縣遂居河北自
陽武縣流入東經陳留入蘭陽縣界終明之世凡五決荊隆口一決陳橋集屢
決屢塞 本朝順治七年九年兩決至十二年始塞按黃河自陽武入封止出
荊隆口直東即長垣東明兩縣境從此經曹濮直趨大清河東入於海較之出
徐沛合淮泗以入海其道最為徑易從來河行之道宜直不宜紆入海之口宜
近不宜遠也西北有沁河一名巴河自武陟陽武流入經于家店北繞縣南穿
桃陂河東注每泛濫則能為害自懷慶增堤遇之水始全落南有翟溝自陽武
境入即白溝也南接黃河支流今湮北有濮渠首受沛東北流至縣再入開州
界河決後亦湮西南有黃池東西廣三里南有金龍口即荊隆口自砥柱孟津
而下最為險隘今離河稍遠然地勢窪下夏秋水發一堤之外皆為巨浸塌陷
最多此隱憂也西南有中藥城元時運道中梗受江淮之米陸運赴淇仍以舟
載送京師後改海運而中藥廢其西為大王廟口順治九年河決於此決口有
積水潭汪洋數十頃深十餘丈有河道標兵防禦今縣治本封止故城金時以
河淹沒遷治新城元初新城又為河壞仍遷於此縣城外有護城隄河決沙壅
僅存顛脊南有長堤高可三丈起荊隆口迤邐東南直抵徐州西南有小長堤
在長堤南東起祥符陳橋西迄荊隆三十里高厚倍於故堤西有董家堤障禦
黑洋山水萬曆三十年決口數十丈至今未塞每遇霖雨城西北皆為巨浸

祥符陳留蘭陽儀封以至山東曹縣界凡係開封府
者南岸屬南河同知管轄北岸屬北河同知管轄係
歸德府者南岸屬歸德府管河通判管轄北岸係山
東曹單二縣界屬兗州府黃河同知管轄又沁河一
道屬懷慶府管河通判管轄
洛河源出陝西雒南縣冢嶺山流入河南境至盧氏
縣熊耳山始大歷永寧宜陽洛陽偃師鞏五縣於鞏
北十里循邛山尾南入黃河蒼叢云前漢書地理志洛水出弘農上洛縣冢嶺山東北至鞏縣入河山
海經謹舉之山洛水出焉一統志洛南縣屬西安府本漢上洛周禮注漢以火德王忌水改為雒魏復改為洛上洛縣即今商州治
澗河源出澠池縣東北白石山由新安至洛陽縣西
七里橋東流轉東入洛河蒼叢云地理志弘農新安縣下云禹貢澗水在東南入洛澠池縣下云穀水出

穀陽谷東北至穀城入洛水經注澗水出新安縣南白石山山海經白石之山
惠水出於其陽東南注於洛澗水出於其陰北流注於穀世謂是山曰廣陽山
水曰赤岸水亦曰石子澗按新安無洛漢志云澗入洛要其歸也其實澗東合
穀至河南入洛今通志澗水之源有二一出澗池縣白石山一出盧氏縣香爐
山俱流至洛陽界會於洛一統志云在盧氏縣源出鐵嶺流入城中析為衆渠
東南流入洛者為東澗水則澗池為西澗水矣周書所謂澗水東澗水西即此
二水又地理志澗水出金城郡令
居縣西北塞外此別是一澗也

澗河源出孟津縣穀城山自高廟溝起與九眼泉合
入洛陽縣界由邛山西北注向東南至縣後轉折而

東行至北窰始逶迤而南入洛河

蒼葦云地理志澗水出河南
穀城縣潛亭北東南入洛穀

城故縣在今洛陽縣西北胡朏明曰古時澗水經河南故城西入洛澗水經河
南故城東入洛故澗水東澗水西為王城而澗水東為下都洛誥之文甚明也
自周靈王壅穀水使東出於王城之北則其勢必入於澗水而合流歷王城之
東以南注於洛時二水猶未經洛陽城也迨東漢建都於此自河南縣東十五
里之千金埭引水繞都城南北以通漕而澗水始與穀水俱
東注矣古時澗不合澗亦不過洛陽縣南而東至偃師也

伊河源出盧氏縣悶頓嶺由嵩縣洛陽至偃師縣高

莊與洛河合流至鞏縣東北洛口入黃河

蒼葦云地理志
伊水出弘農盧

氏縣熊耳山東北入
洛盧氏今屬陝州

汜河自林園川石觜村發源由孤柏觜以下入黃河

蒼葦云山海經浮戲之山汜水出焉北流注於河一統志汜水源出汜水縣西
方山東南入黃河通志云源出玉仙山北流經古嶺關東入黃河謂之汜水者
取水決復入之義史謂漢高祖即位於汜水
之陽是也今屬開封府漢曰成臯隋曰汜水

濟河濟水發源王屋山頂崖下曰沅水既見而伏出

濟源縣為東西二源東源即瀆廟地西源俗呼龍潭

自此東南流至柏香鎮分為二一於鎮之東北流至

河內縣穿郡城經龍澗村入沁河一於鎮西南流經

猪龍河自小營村入黃河

淇河在濟源縣發源三處一出姑嫂山一出秦嶺山

一出五指山至縣西南三河頭合為一處至孟縣海

子頭村入黃河

蒼叢云看河紀程言湫水出濟源春秋會於湫梁即此其源有三一出五指山紙坊一出曲陽西南二源俱流

經修武縣治南一出晉陽城南溪或斷或續至莽山雙泉寨發源為白澗水又伏發源修武縣治西又東南流經城南與二源合水經注曰湫出原城西北原

山黝掌谷按白澗自莽山來或呼莽河

沁河源出山西沁源縣穿太行山出濟源縣經河內

武陟縣入黃河自濟源縣大坡界起東至河內縣計

長七十里又東與大丹河合而至武陟縣界計長七

十里又東流繞武陟城北由東而南北岸計長七十

里南岸計長五十五里寬一百六七十丈中皆浮沙

淺深無定伏秋水發常虞泛濫

蒼叢云沁水至懷慶府武陟縣與黃會合其湍激之勢較黃河

益甚而武陟縣東岸之蓮花池金屹嘴最其衝射要害處也萬曆十五年沁從此決新鄉獲嘉一帶俱為魚鱉每年堵築埽壩勞費不貲且壩內為商民轉集

之處烟燹不下千餘倚堤為命議芟石四百三十五丈隨守隨修限以三年告竣此堤一成永久可恃而議者畏難尚未興舉其北岸大樊村亦係埽壩要害

埽堤卷埽均在司河者留意焉

大丹河源出山西澤州穿太行山至河內縣入沁河

自河內縣丹谷口起至留村入沁河止計長五里

蒼叢云丹

水在懷慶府東北十里源出澤州高平縣山海經曰沁水之東有林焉名曰丹林丹水出焉又有小丹河由修武縣南門外東流至獲嘉入衛河

廣濟河源自五龍口鑿山取沁水澆灌民田經由濟

源河內溫縣至武陟縣澗溝村入黃河 按沁水即

酈道元所稱朱溝水也唐崔弘禮李元淳相繼疏濬

元世祖時始名廣濟有明因之萬曆間河內令袁應

泰鑿山穿洞懸閘兩崖之間受水則啓障水則閉以

溉民田引水由濟源河內孟溫武陟入於黃河渠閘

八尺延袤一百五十里分二十四堰

表應泰廣濟河碑記云二十四堰第一永益堰

由官莊至休昌長三里第二永利堰第三常豐堰俱併入永益堰第四天富堰由許村長二里第五永福堰順入利人河第六廣福堰由許村官莊入豐稔河歸黃河一百二十里第七和豐堰由辛村高村長五里第八廣豐堰由東許村金冢至小營入黃河長一百二十里第九大豐堰由南尋西李家橋曲構柿園土坯賈村至黃岡可減水入黃河長一百三十里沙岡有鄭府寄莊地七頃五十畝除本堰三分水一日第十一太平堰由武家作張家作至劉家莊長一十里第十二廣有堰由七里橋故事馬鋪至古澗入沁河長二十五里第十三永濟堰由護城祝策彭城尚香鎮至蘇東宏福堰長七十里尚香西砌欄水閘減水入沁河第十四廣阜堰由南屯沙岡至辛王長一十里第十五新興堰由里村冷家莊賈村至北真長一十八里第十六廣隆堰由五王長二里第十七萬盈堰由分水石七里屯衛村至彭城長三十里第十八長濟堰由佳村珍珠莊高照至耿家莊入澇河歸黃河長六十九里第十九興隆堰由郭村王里李家莊至北真長一十八里第二十興福堰由彭城尚香鎮至劉家莊長一十里第二十一宏福堰由蘇王南徐澗至南張長一十五里第二十二萬億堰由西冷至東周長一十里第二十三大濟堰由北冷至杜家莊長八里第二十四永通堰由保封董家趙莊至唐郭入黃河長四十里

黃河南岸 滎澤縣臨河堤上自本縣境內起下至鄭州交界止計長一十二里 第一段自老護城堤

起至小格堤止長三百八十丈康熙三十六年修築坐落舊城北 第二段自護城隄起至沈家莊堤頭止長二百六十八丈康熙二十四年修築坐落舊城東 第三段自沈家莊起至鄭州堤界止長一千三百九十九丈康熙二十二年創築坐落魏家莊前鄭州臨河堤上自滎澤縣交界起下至中牟縣交界止計長四十五里 第一段自滎澤縣堤界起至藍家屯東止長一千七百九十五丈康熙二十二年創築坐落永興鎮前 第二段自范四家埠口起至藍家屯新堤止長一千六百七十五丈康熙三十八年創築坐落藍家屯南 第三段自藍家屯東起至老

行水金鑑卷五十六
君堂西止長一千三百七十一丈康熙三十七年創
築坐落關家橋南 第四段自任八家莊北祖師廟
後起至石家橋堤頭止長八百丈康熙二十三年加
幫坐落老君堂後 第五段自石家橋起至原武堤
界止長一千三百三十丈康熙二十一年創築坐落
馬家渡南 第六段自來童寨月堤起至中牟縣堤
界止長一千一百六十丈康熙二十六年創築坐落
裴昌廟前

中牟縣臨河堤上自鄭州交界起下至祥符縣交界
止內間陽武縣所管一段長四里八分中牟實管堤
工長四十三里七分 第一段自鄭州堤界起至二

郎廟後止長二百三十丈康熙二十六年創築坐落

二郎廟後

陽武縣臨河堤自中牟堤頭起至中牟堤界止長八
百六十五丈坐落郝家寨前 中牟縣第二段自陽
武隄界起至康熙三十八年新堤頭止長五百一十
丈康熙十九年創築坐落孫家莊東 第三段自十
九年月堤起至十八年月堤止長一千五百四丈康
熙三十八年創築坐落白家莊南 第四段自三十
八年新堤頭起至張家莊前止長四百六十七丈康
熙十八年創築坐落許家莊前 第五段自十八年
月堤起至堤角止長五百七十丈康熙二十三年加

千水金鑑卷五十六
第六段自堤角起至張滿家莊
後堤角止長二千三百七十六丈康熙二十三年加
幫坐落辛莊前 第七段自張滿家莊後堤角起至
閻家寨後堤角止長四百三十九丈康熙二十三年
加幫坐落太平莊南 第八段自閻家寨後堤角起
至祥符縣堤界止長一千七百八十六丈康熙二十
三年加幫坐落朱姑村前
祥符縣臨河堤上自中牟縣交界起下至陳留縣交
界止計長七十七里 第一段自中牟堤界起至馬
家寨北埧口止長三百丈係遠年老堤坐落馬家寨
西北 第二段自馬家寨北埧口起至回回寨西堤

頭止長二千一百二十丈康熙二十三年加幫坐落
曹家寨北 第三段自回回寨堤頭起至二十堡北
堤頭止長七百七十丈係遠年老堤坐落回回寨
後 第四段自二十堡北堤頭起至二十五堡北堤
頭止長八百六十丈係遠年老堤坐落沙門後 第
五段自二十五堡北堤頭起至馬頭北堤頭止長一
千一百三十丈康熙二十三年加幫坐落雙河鋪後
第六段自馬頭北堤頭起至一覽臺前止長四百
五十丈係遠年老堤坐落馬頭後 第七段自一覽
臺前起至四十一堡東堤頭止長八百八十丈係遠
年老堤坐落張家灣後 第八段自四十一堡東堤

行水金鑑卷五十六
頭起至四十二堡堤頭止長八十丈係遠年老堤坐
落梅家莊前 第九段自四十二堡堤頭起至四十
五堡堤頭止長五百六十六丈康熙二十三年加幫
坐落梅家莊東南 第十段自四十五堡堤頭起至
四十七堡西止長三百五十丈係遠年老堤坐落步
李寨後 第十一段自四十七堡西起至四十九堡
南止長三百二十丈係遠年老堤坐落小馬圈前
第十二段自四十九堡南起至四十九堡止長三十
五丈係遠年老堤坐落大馬圈前 第十三段自四
十九堡北起至老劉家店北埠口止長九十丈係遠
年老堤坐落謝家莊後 第十四段自老劉家店北

埠口起至班家埠口止長一千一百一十丈係遠年
老堤坐落劉家店後 第十五段自班家埠口起至
李進祿家寨東北埠口止長五百九十三丈係遠年
老堤坐落班家寨東 第十六段自李進祿家寨東
北埠口起至陳家寨東北堤頭止長二百七十六丈
係遠年老堤坐落李進祿家寨東 第十七段自陳
家寨東北堤頭起至姜家莊西月堤頭止長八百六
十二丈康熙二十三年加幫坐落馬家店後 第十
八段自姜家莊西月堤頭起至門家寨東北止長七
百四十丈係遠年老堤坐落姜家莊前 第十九段
自門家寨東北起至七十二堡東埠口止長一百一

十丈係遠年老堤坐落門家寨前 第二十段自七十
二堡東埠口起至埽頭西北止長一千一百八十
九丈康熙二十三年加幫坐落康家寨東 第二十
一段自埽頭西北起至陳留堤界止長一千四十丈
康熙二十年創築坐落埽頭東北

陳留縣臨河堤上自祥符縣交界起下至蘭陽縣交
界止計長一十五里八分 第一段自祥符堤界起
至小寺後止長九百二十丈康熙二十年創築坐落
耿家寨後 第二段自小寺後起至毛家寨後止長
六百丈係遠年老堤坐落譚家寨後 第三段自毛
家寨後老堤起至郝家寨後止長六百丈康熙十一

年創築坐落郝家寨西 第四段自郝家寨後起至
楊家莊後止長四百二十丈康熙十二年加幫坐落
郝家寨東 第五段自楊家莊後起至蘭陽隄界止
長三百二十丈康熙二十一年加幫坐落楊家_{東莊}
蘭陽縣臨河堤上自陳留縣交界起下至儀封縣交
界止計長二十四里三分 第一段自陳留堤界起
至管家水口西頭止長五百一十丈康熙二十三年
加幫坐落管家水口西 第二段自管家水口西頭
起至梁家水口東頭止長五百六十二丈係遠年老
堤坐落榆林前 第三段自梁家水口東頭起至耿
家水口西頭止長二百二十丈康熙二十三年加幫

坐落耿家水口西 第四段自耿家水口西頭起至
蔡家樓東止長八百二十一丈係遠年老堤坐落康
王廟前 第五段自蔡家樓東起至常家樓西止長
一百五十四丈康熙二十三年加幫坐落畢家寨東
南 第六段自常家樓西起至儀封堤界止長二千
一百零七丈係遠年老堤坐落李軍民寨前
儀封縣臨河堤上自蘭陽縣交界起下至考城縣交
界止計長四十七里 第一段自蘭陽堤界起至郭
家莊西北止長一千一百丈係遠年老堤坐落郭家
莊西南 第二段自郭家莊西北起至郭家樓西止
長五十八丈康熙二十三年加幫坐落柳園後 第

三段自郭家樓西起至張家莊前止長四百零五丈
康熙二十二年創築坐落陸家口南 第四段自張
家莊前起至亓家莊後止長八百八十丈康熙二十
三年加幫坐落舊堤後 第五段自亓家莊後起至
大劉家寨東止長四千三百七十五丈康熙二十三
年加幫坐落黑村集南 第六段自大劉家寨東起
至中莊前西南止長四百四十丈係遠年老堤坐落
李家寨西北 第七段自中莊前西南起至李家寨
東北止長四百三十丈康熙二十三年加幫坐落李
家寨後 第八段自李家寨東北起至趙家莊西北
止長一百七十丈康熙二十三年加幫坐落趙家莊

西北 第九段自趙家莊後格堤工尾起至趙家莊
東月堤頭止長一百零五丈康熙二十三年加幫坐
落趙家莊後 第十段自趙家莊東月堤頭前起至
考城縣交界止長五百七十丈係遠年老堤坐落石
家樓後

卷第五十六

行水金鑑

河水

卷第五十七

考城縣臨河堤上自儀封縣交界起下至商止縣交
界止計長五十四里 第一段自儀封縣交界起至
石家樓後止長六百三十丈康熙七年幫接壩堤坐
落二堡北 第二段自石家樓後起至小顏家集西
歲修工頭止長六千九百六十丈又康熙二十四年
加幫五千四百二十七丈坐落秦家集西 第三段
自小顏家集西起至商止縣交界止長二千二百丈
康熙二十二年幫接坐落小顏家集北 月堤自儀
封縣交界起至壩堤中間止長二百丈康熙八年創

築重堤坐落一堡 月堤自一堡重堤起至石家樓
後止長四百丈康熙十一年創築坐落三堡
商止縣臨河堤上自考城縣交界起下至虞城縣交
界止計長三十六里 第一段自考城交界起至傅
樓止長一千四百丈係遠年老堤坐落一堡北 第
二段自高家莊迤東起至河夫營止長六百一十二
丈康熙二十三年幫接坐落蘇家樓西北 第三段
自河夫營西加幫工尾起至清水河西止長一百三
十八丈係遠年老堤坐落河夫營東 第四段自傅
家莊西河夫營起至李家鹽店止長一千五十丈康
熙二十二年創築坐落九堡 第五段自九堡堤東

起至老堤中身止長六百四十丈康熙二十四年幫
接坐落李家鹽店北 第六段自蔚家閣壩頭起至
二十三年加幫工頭止長四百一十丈係遠年老堤
坐落蔚家閣東 第七段自邵家莊起至薛家莊後
止長七百二十丈康熙二十三年幫接坐落十五堡
第八段自二十三年加幫堤起至二十三年加幫
八段工頭止長四百五十五丈係遠年老堤坐落蒙
牆寺後 第九段自閻家莊後起至崔家樓後止長
二百四十二丈康熙二十三年幫接坐落崔家樓後
第十段自二十三年加幫堤起至虞城交界止長
九百四十丈係遠年老堤坐落二十堡 徐家莊月

堤自考城交界起至周家莊止長一千三百五十丈
康熙二十三年幫接坐落楊家堂西 楊家堂創築
月堤自楊家堂北頭起至高家莊南北老堤中身止
長一千五十丈康熙十八年創築坐落楊家堂東
傅家莊創築月堤自河夫營迤西埠口起至李家莊
後止長一千一百三十丈康熙二十六年創築坐落
李家莊西北 祖師廟後月堤自祖師廟後起至老
壩臺止長一百八十丈係遠年老堤坐落祖師廟後
老壩臺自小壩堡房基起至小大王廟止長八百
二十丈坐落小大王廟西 舊堤自小大王廟起至
蔚家閣後壩頭止長一百四十丈係遠年老堤坐落

小大王廟東 舊堤自蔚家閣西老堤起至康熙二
十三年加幫隄止長四百二十丈係遠年老堤坐落
蔚家閣北 舊壩自本壩堤岔起至康熙二十三年
加幫堤止長七百五十丈康熙十二年幫築坐落十
六堡西北 舊月堤自康熙二十四年堤工起至邵
家莊後康熙二十三年幫築堤止長四百八十丈係
遠年老堤坐落潘侯集北 舊月堤自小壩堡房基
起至崔家樓東北老堤止長三千二百四十丈係遠
年老堤坐落崔家樓南 舊月堤自雙廟西邊起至
南老月堤止長三百四十丈係遠年老堤坐落邵家
莊南

虞城縣臨河隄上自商止縣交界起下至江南礪山
縣交界止計長八十三里 第一段自商止縣堤界
起至土樓止長三千二十二丈康熙二十三年幫接
坐落徐家莊東 第二段自土樓起至韓家樓止長
三千一十五丈康熙十九年幫修坐落周家樓北
第三段自韓家樓起至大王廟止長一千二百二十
丈康熙二十四年幫修坐落韓家樓東 第四段自
大王廟起至田家廟止長一千六百三十二丈康熙
十九年幫修坐落田家廟西 第五段自田家廟起
至牛頭壩寺止長一千一十丈康熙十八年幫修坐
落田家廟東 第六段自牛頭壩寺起至彭家集後

止長一千三百八十一丈係康熙二十四年新收山
東單縣堤工坐落牛頭壩寺北 第七段自彭家集
後起至盧家廟止長三千三百四丈康熙十九年幫
接坐落馬家坊前 第八段自盧家廟起至尹家集
後止長五百二十二丈係康熙二十四年新收山東
單縣堤工坐落尹家集北 第九段自尹家集後起
至張家集西止長一百一十二丈康熙十九年幫修
坐落尹家集東 第十段自張家集西起至張家集
東止長四百一十八丈係康熙二十四年新收山東
單縣堤工坐落張家集北 第十一段自張家集東
起至小喬家集東江南礪山堤界止長一千三百四

十丈康熙十九年幫接坐落小喬家集西。月堤自蕭家莊前大堤起至周家樓後大堤止長一千三百五十丈順治六年創築坐落周家樓西。月堤自賀家莊大堤起至劉家莊後重堤止長七百五十丈康熙九年創築坐落劉家莊北。月堤自劉家莊西起至歸鴻集後重堤止長五百六十丈康熙十二年幫築坐落劉家莊後。月堤自大王廟大堤起至大賓寺大堤止長一千三百丈康熙五年創築坐落歸鴻集後。月堤自甄家樓西大堤起至彭家集後大堤止長一千一百五十丈順治十二年創築坐落彭家集西北。月堤自薛家樓後大堤起至杜家樓東大

堤止長一千五十丈康熙三十四年創築坐落薛家樓東

黃河北岸 滎澤縣臨河隄上自武陟縣交界起下至原武縣交界止計長八里五分零西自武陟縣隄界起東至原武縣堤界止長一千五百三十七丈康熙二十三年大修加幫坐落五祿店前

原武縣臨河堤上自滎澤縣交界起下至陽武縣交界止計長四十里 第一段西自滎澤堤界起東至孟家莊西止長二千四百三十四丈康熙二十三年大修加幫坐落胡唐家莊前 第二段西自孟家莊西起東至馬家莊前止長五百一十二丈係遠年老

堤坐落車家莊前 第三段西自馬家莊前起東至陽武縣堤界止長四千二百五十四丈康熙二十三年大修加幫坐落張家寨前 月堤西自王村正南大堤根起東至孔家莊後月堤根止長九百九十丈係遠年老堤坐落胡唐家莊後 月堤西自吳家莊西大堤根起東至董家莊東大堤根止長九百九十九丈係遠年老堤坐落孟家莊後 月堤西自胡村鋪西大堤根起東至黃家寺東大堤根止長四百九十八丈係遠年老堤坐落胡村鋪黃家寺後 陽武縣臨河堤上自原武縣交界起下至封丘縣交界止計長三十八里 第一段西自原武隄界起東

至張家寨迤東堤頭止長一千九百九十丈康熙二十五年歲修加幫坐落奶奶廟前 第二段西自張家寨迤東堤頭起東至雁李家西止長二千一百丈康熙二十三年創築坐落大賓前 第三段西自雁李家西起東至封丘縣堤界止長二千七百八十四丈康熙二十五年歲修加幫坐落水牛趙家莊前 月堤西自黑洋山起東至雁李家西大堤根止長七千二百丈係遠年老堤坐落本縣南 封丘縣臨河隄上自陽武縣交界起下至祥符縣交界止計長三十四里 第一段西自陽武堤界起東至三李家門前止長一千八百七十二丈康熙二十

行水金鑑卷五十七
三年大修加幫坐落東姜家寨前 第二段西自三李家門前起東至中鑾城西頭埠口止長一千三百一十六丈係遠年老堤坐落于家店前 第三段西自中鑾城西頭埠口起東至中鑾城東頭止長一百四十七丈康熙二十三年大修加幫坐落中鑾城前 第四段西自中鑾城東頭起東至荆隆口正南止長八百一十三丈係遠年老堤坐落荆隆口前 第五段西自荆隆口正南起東至荆隆口東頭止長八十八丈康熙二十三年大修加幫坐落荆隆口東 第六段西自荆隆口東頭起東至祥符縣堤界李七寨止長二千零三十八丈內龍門口一處長一百五

十三丈康熙二十四年下埽加幫坐落桑園神馬前 月堤西自蘿蔔鄭家門前大埠口起東至祥符縣堤界止長四千三百四十二丈係遠年老堤坐落楊家樓後 格堤西自三李家西堤根起東至于家店寺西堤根止長二百九十丈係遠年老堤坐落三李家前 縷水堤西自于家店迤東舊堤根起東至中鑾城迤西舊堤根止長五百五十丈係遠年老堤坐落于家店東 舊月堤西自劉家樓正南舊堤根起東至中鑾城迤西舊堤根止長八百五十丈係遠年老堤坐落劉家樓東 月堤西自于家店西頭舊堤根起東至十七堡止長五百七十丈康熙元年建築

行水金鑑卷五十七
七
坐落于家店後 月堤西自神馬後舊堤根起東至祥符縣李七寨門前堤根止長六百一十丈康熙六年建築坐落李七寨西 月堤西自溫家樓後迤東舊堤根起東至關王廟迤東舊堤根止長三百三十丈康熙二十五年建築坐落關王廟後 格堤南自荆隆口東渡頭臨河堤根起北至月堤根止長四百二十丈康熙八年歲修加幫坐落荆隆口東北 祥符縣臨河堤上自封北縣交界起下至陳留縣交界止計長五十里 第一段西自封北縣李七寨前堤界起東至北堡東止長一千二百七十丈康熙九年加幫坐落新店前 第二段西自五堡東起東至

八堡東堤頭止長一千五十丈係遠年老堤坐落陳橋西 第三段西自八堡東頭起東至十堡西堤灣止長三百七十丈係遠年老堤坐落陳橋前 第四段西自十堡西堤灣起東至大王廟大埠口止長五十丈係遠年老堤坐落陳橋正南 第五段西自大王廟大埠口起東至魁星樓止長一百六十丈係遠年老堤坐落陳橋東南 第六段西自魁星樓起東至十一堡東堤頭止長四百四十丈係遠年老堤坐落三府莊西 第七段西自十一堡東堤頭起東至十二堡止長十五丈康熙二十四年加幫坐落蔣家寨西 第八段西自十二堡起東至十五堡東止長

行水金鑑卷五十七
九百九十九丈順治七年加幫坐落馬坊前 第九
段西自十五堡東起東至賈家堂東止長五百丈順
治十八年加幫坐落廠門口西南 第十段西自賈
家堂東起東至十八堡西止長四百二十五丈順治
十八年加幫坐落廠門口前 第十一段西自十八
堡西起東至十九堡東堤頭止長四百三十丈係遠
年老堤坐落邵王寨正南 第十二段西自十九堡
東堤頭起東至大王廟東堤頭止長一百七十丈係
遠年老堤坐落邵王寨東南 第十三段西自大王
廟東堤頭起東至二十堡止長四十五丈係遠年老
堤坐落邵王寨東南 第十四段西自二十堡起東

至二十一堡止長五百六十丈康熙元年加幫坐落
邵王寨東 第十五段西自二十一堡起東至二十
二堡止長三百二十丈康熙四年加幫坐落清河集
西 第十六段西自二十二堡起東至常家寨西大
王廟止長四百丈係遠年老堤坐落常家寨西 第
十七段西自常家寨西大王廟起東至二十四堡止
長二百二十丈康熙二十四年加幫坐落常家寨東
第十八段西自二十四堡起東至陳留堤界止長
一千六百八十丈康熙十九年加幫坐落韓羅灣前
陳橋西月堤西自張新莊前牛角哨起東至十堡
西止長一千一百三十七丈係遠年老堤坐落陳橋

行水金鑑卷五十七
九

西 陳橋後月堤西自封止堤界起東至王盧集東頭止長五千零七十丈康熙八年加幫坐落陳橋北陳橋前夾堤西自魁星樓東起東至十二堡堤頭止長三百八十丈係遠年老堤坐落陳橋東南 王盧集前月堤西自王盧集東南堤根起東至王盧集東北堤岔止長六百零二丈係遠年老堤坐落王盧集東 馬房後月堤西自王盧集東起東至馬房東埠口止長五百二十丈係遠年老堤坐落馬房後邵王寨後重堤西自馬房東堤根起東至邵王寨東大堤根止長七百五十三丈係遠年老堤坐落廠門口後 廠門口後月堤西自十八堡起東至大王廟

止長五百七十丈係遠年老堤坐落廠門口東 廠門口東月堤西自廠門口西起東至邵王寨東止長五百八十丈係遠年老堤坐落邵王寨後 張家寨後月堤西自丁家莊前岔堤起東至常家寨西堤岔止長一千一百三十七丈康熙三年創築坐落張家寨後 張家寨斜月堤南自大堤起北至月堤止長二百五十丈係遠年老堤坐落張家寨東 清河集後重堤西自堤岔起東至常家寨後月堤止長六百四十丈康熙元年創築坐落清河集後 清河集後月堤西自二十二堡起東至新寨止長九百九十丈係遠年老堤坐落常家寨後 回回寨月堤西自本

縣二十堡迤西大堤根起東至陳留縣竹垌村堤界止長八百六十丈康熙三十九年祥符陳留蘭陽三縣會築坐落韓羅灣後

陳留縣北岸臨河堤西自祥符縣堤界起東至蘭陽縣堤界止長一百一十丈係遠年老堤坐落貫臺北回回寨月堤西自祥符堤界起東至蘭陽隄界止長四百五十三丈康熙三十九年祥符陳留蘭陽三縣會築坐落竹垌村前 蘭陽縣臨河隄上自陳留縣交界起下至直隸長垣縣堤界止計長四十一里 第一段西自陳留縣堤界起東至第六堡止長九百五十五丈康熙十五年歲修幫築坐落銅瓦廂西

北 第二段西自第六堡起東至第八堡迤東止長五百丈係遠年老堤坐落銅瓦廂東北 第三段西自八堡迤東起東至管李寨東南止長八十丈係遠年老堤坐落管李寨前 第四段西自管李寨東南起東至管李寨東北止長一百七十八丈係遠年老堤坐落管李寨東 第五段西自管李寨東北起東至程家樓西頭止長三百五丈康熙二十三年大修加幫坐落程家樓前 第六段西自程家樓西南起東至楊家莊東南堤岔止長六百八十丈係遠年老堤坐落楊家莊前 第七段西自楊家莊東北堤岔起東至十八堡東月堤頭止長七百七十丈康熙二

十二年歲修創築坐落瞿家莊前 第八段月堤一道西自十八堡迤東月堤頭起東至樊家寨西頭堤根止長一千八百五十丈康熙三十六年歲修創築坐落耿家寨後 第九段西自樊家莊西頭堤根起東至張村集東南岔堤頭止長五百九十丈康熙二十三年大修加幫坐落張村集前 第十段西自張村集東南岔堤頭起東至吳家廟西止長六百九十九丈係遠年老堤坐落谷家營前 第十一段西自吳家廟西起東至袁家寨東南止長二百四十丈康熙二十三年大修加幫坐落袁家寨東 第十二段西自袁家寨東南起東至長垣縣堤界止長六百三十

三丈康熙三十二年修築坐落袁家寨東 回回寨月堤西自陳留堤界起東至銅瓦廂五堡迤東月堤根止長六百一十五丈康熙三十九年祥符陳留蘭陽三縣會築坐落張家寨前 月堤西自銅瓦廂八堡迤東起東至管李寨東北止長九百四十五丈康熙十八年創築坐落管李寨後 月堤西自張村集東南起東至袁家寨西南止長九百五十丈康熙九年創築坐落谷家營後 直隸長垣縣堤工康熙三十一年河南蘭陽儀封會同長垣三縣共築月堤一道坐落城東南黃家集西自蘭陽交界起東至儀封交界止長五百五十一丈 康熙三十六年築月堤

行水金鑑卷五十七
十一
一道西自黃家集迤東大堤起東至儀封縣洪船灣西南汪兆玉地止長五百六十丈 儀封縣堤上自長垣縣堤界起下至山東曹縣交界止 月堤西自洪船灣西南長垣縣堤界起東至稽民堤中止長一千八百四十丈康熙三十六年長垣儀封二縣會築坐落西馬木後 月堤西自月堤起東至宋家營後止長二百四十丈康熙十八年修築坐落秦家莊前月堤西自劉家樓東月堤起東至十四堡東止長一千一百五十丈康熙三十七年創築坐落梁家寨東 臨河堤第一段西自宋家營西起東至曲家樓西南月堤頭止長一千五百五十丈康熙二十三年

大修加幫坐落刁家樓南第二段西自曲家樓西南月堤起東至曲家樓東南月堤止長六百四十丈係遠年老堤坐落小曲家莊前 第三段西自曲家樓東南月堤起東至小宋集東南止長一千五百三十丈康熙二十三年大修加幫坐落小宋集前 第四段西自小宋集東南起東至袁家樓南止長二百二十丈康熙二十三年大修加幫坐落袁家樓前 第五段西自袁家樓南起東至杜家樓前止長七百一十五丈康熙二十二年大修加幫坐落杜家樓前 閻家集月堤西自杜家樓前堤岔起東至楊家堂後月堤止長二千八十丈康熙三十五年創築坐落

行水金鑑卷五十七
二郎廟後 黃家集前月堤西自楊家堂後月堤起
東至黃家集前堤頭止長六百四十丈係遠年老堤
坐落黃家集前 蔡家樓月堤西自黃家集前月堤
起東至張官營後曹縣堤界止長六百三十丈康熙
三十七年創築坐落李韓寨後 李韓寨月堤西自
裴家莊前四十一堡西起東至曹縣新築遙堤止長
一千六百四十丈康熙三十八年創築坐落聶家莊
後 河內縣沁河南岸民堤西自覆背村起東至迴
龍廟接連官堤止計長二十里 官堤西自迴龍廟
起東至張家莊接連民堤止計長六里 民堤西自
張家莊起東至武陟縣交界張計村止計長四十四

里 北岸民堤西自留村起東至張茹村止計長四
十五里 武陟縣沁河南岸民堤西自張計村起東
至方陵村止計長七十五里 北岸官堤七處坐落
大樊村留村原村郭村詹家店何家營馬營計長二
十一里 北岸民堤四處坐落東曲鎮傅村木藥店
南賈村計長六十九里

今水學云近開柳鈔武陟馬家營詹家店一
帶堤岸歷來聽民自築又沁水堤頭至詹家
店約計六十里向無堤岸沁黃一時並漲由此分洩歸漕故不議築然河自孟
津而下出險就平兼會濟沁伊洛大有奔放之勢此處甚屬緊要似宜題請
聖慈照南河例鑿入 欽工其向無堤岸之處亦動 皇帑加築高厚之堤
仍於堤內量設閘壩以為蓄洩之計如此庶於河南工程少有裨益云

豫省黃河在河陰以上土性堅硬從來不事修防在
滎澤以下土性虛鬆隄岸易潰每遇伏秋河漲卒發
盪激衝撞甚有一日之間塌卸河岸寬一二十丈至

四五十丈者歲修搶修在在有之幸賴
皇上睿謨區畫周詳淮黃交會海口深通全河之尾閘
無滯而豫處上游亦藉以循軌下注自無橫溢之虞
數十州邑生靈仰頌

皇恩真與天地同其高厚自今以後從事河渠者惟有
恪遵成法不敢稍懈於已治已安相期億萬斯年臣
民共享平成之福爾

以上俱張文端治河書

卷第五十七

行水金鑑

河水

卷第五十八

山東曹單二縣俱在黃河北岸

蒼葦云曹縣在山東兗州府曹州南一百里南有曹山西南有

黃陵岡元賈魯開黃河故道始此明弘治中河決亦於此南有黃河嘉靖河決梁靖口隆慶築迎溜埽灣逼近老堤最為險要而武家壩尤甚此壩潰決則城武金鄉皆成沮洳且東鄰開河遇防尤要西北有賈魯河嘉靖前尤為運道自黃陵岡塞而此河遂填其南為大河洪流矣北有古汜水黃河之在縣境者百二十餘里其渡口有六曰武家口曰曹家口曰王李口曰蔚邢口曰劉家口曰李家口皆津要也舊月堤十有七 本朝增共二十有二又壩十有四 單縣在兗州府西南二十里南有黃河自曹縣流入東入豐縣岸長七十里 本朝順治初決柳河口康熙九年決熊龍寺單境要害熊龍寺石家樓第一鄧家董家兩水口次之順治六年築熊龍寺月堤一道禦曹境滿河之水今沙淤加高石家樓攔水壩堤臨河埽塌故加厚攔水壩大堤外黃家營莊河岸低窪黃水暴發先從此出漕故於本莊迤東橫築縷水堤一道以防河患鄧家水口有老堤堤根單薄故於隄北加幫畿一道是為單境急務單河南岸與河南虞城交錯有遙堤二千四百餘丈久殘缺康熙十九年合曹州曹縣定陶單縣城武金鄉六處徭夫加幫高厚又加兩月河引水殺流河患始弭然積久傾圮當未

雨綢繆也

上自河南儀封縣交界起由考城縣境三十里而

行水金鑑卷五十八
入曹縣一百四十里而入單縣又六十里出單境而
達於江南碭山縣共計二百三十里屬兗州府黃河
同知一員管轄

曹縣黃河自河南考城縣東界入境康熙二十五年
以考城北岸堤工三十里與曹境相連應歸曹縣就
近修防故今所管堤工上自河南儀封縣交界起下
至單縣交界止計長一百七十里設有縣丞主簿巡
檢各一員分管河務

安陵巡檢分管堤工五十里內歸併考城縣臨河堤
自儀封縣交界起至戴家樓後止計長三十里又自
戴家樓後起至主簿分管交界止計長二十里歷年

歲修內有黃家莊西臨河堤一段長二百六十五丈
馮家廠西臨河堤長一百二十二丈康熙四十一年
加幫 上自張官營後界石起下至臨河堤止格堤
一道長三百九十六丈康熙三十五年創築 上自
儀封縣交界起下至黃家水口前裏河堤止遙月堤
一道長一千二百五十五丈康熙三十八年創築
上自儀封縣界石起下至備堤止月堤一道長一千
二百丈歷年歲修 上自月堤起下至裏河堤止備
堤一道長一百二十八丈康熙二十七年創築 上
自臨河堤起下至備堤止戩堤一道長二百九十三
丈 上自臨河堤起下至裏河堤止小戩堤一道長

行水金鑑卷五十八
一百一十三丈 上自黃家水口前起下至大王廟西止裏河隄一道長九百三十八丈 上自裏河堤起下至天齊廟西止月堤一道長九百四十五丈 上自天齊廟西起下至楊家道口止月堤一道長一千五百一十八丈 上自關王廟起下至臨河堤止月堤一道長五百六十丈 上自尹家墳起下至天齊廟西止月堤一道長四百七十五丈 上自唐家水口西起下至回龍王廟西止護堤一道長六百九十丈 上自回龍王廟後起下至崔家莊東止月堤一道長三百七十丈 上自楊家道口起下至流通集西止月堤長五百五十五丈以上堤工俱歷年歲

修上自臨河堤起下至主簿分管止月堤康熙四十一年修築
主簿分管堤工上自巡檢分管交界高家莊後起下至縣丞分管交界李家樓東止計長七十里臨河堤歷年歲修 青山廟前月堤上自十字堤起下至埽壩止長一千二十丈康熙三年創築 銅奶奶廟北新補月隄上自青山廟前月堤起下至新月堤止長一千五百五十八丈康熙三十九年修築 銅奶奶廟北遙月堤上自青山廟前月堤起下至草樓西新月堤止長二千七百四十丈康熙四十年創築四十年又加幫銅奶奶廟向稱極險雖經添築月堤猶

行水金鑑卷五十八
三

不足恃且劉信莊埧卸幾至堤根去此切近危迫尤甚故又添築此堤 劉信莊月堤上自臨河劉滿莊堤起下至臨河舊老堤止長三百五十五丈歷年歲修 趙家集西月堤上自新月堤起下至劉信莊月堤止長一千一百八丈內二百九十五丈康熙四十年加幫 草樓前新月堤上自臨河堤起下至臨河新月堤止長二千八十八丈內五百三十丈康熙四十一年加幫 魚鱗月堤上自臨河備堤起下至遙月堤止長八百六十丈康熙二十六年創築 曹巴莊廟後遙月堤上自魚鱗月堤起下至楊釗口月堤止長二千九百三十丈康熙二十五年創築 楊

釗口月堤上自謝家集南縷水堤起下至楊釗口縷水堤止長七百九十二丈歷年歲修 黃家奶奶廟後月堤上自楊釗口月堤起下至李家樓東臨河堤止長九百四丈歷年歲修

縣丞分管堤工上自主簿分管李家樓東交界起下至單縣交界止計長五十里臨河堤歷年歲修 梁家樓西月堤上自臨河堤起下至大大王廟西止長一千三百二十丈內六百三十丈康熙四十一年加幫 大大王廟東護堤上自大大王廟起下至臨河堤止長二百九十三丈歷年歲修 韋家樓後月堤上自安家莊東起下至孫家莊東堤岔止長一千九

行水金鑑卷五十八
百八十三丈內五百六十四丈康熙四十一年加
單縣黃河上自曹縣交界起下至江南碭山縣交界
止計長六十里設有主簿一員專管河務

臨河堤從前原係攔水壩斷續不一惟是險要之處
添設以護縷水堤者後因縷堤之外攔壩之內村莊
漸稠防禦愈急遂將各壩接連築成長堤名攔水堤
自明季相沿已久今改名臨河堤俗又稱三堤離河
三四五六里不等隨河蜿蜒計長六十里 上自曹
縣交界起由瞧龍寺基而下至頭鋪止長一百五丈
係舊堤康熙三十一年修築 南北月堤自頭鋪起
至峨嶺殿止長六百六十丈此隄專防曹縣上流直

下之衝溜最為緊要康熙四十一年於歲修案內估
修 峨嶺殿後斜月堤係老堤長四百二十三丈未
經加修 孫家集後臨河堤自峨嶺殿起至鄭家樓
前止長七百丈康熙三十一二三年修築 石家樓
前臨河堤自鄭家樓前起至董家小莊後止長一千
一百四十六丈康熙三十五三十八兩年修築 石
家樓臨河堤後月堤自鄭家樓前起至石家樓東臨
河堤止係老堤未經加修 石家樓後臨河堤自董
家小莊後起至董家營月堤西頭止長一百八十五
丈康熙四十一年修築 董家水口即董家營後臨
河堤自董家營起至趙家樓前止長一千四百八十

行水金鑑卷五十八
五
丈康熙三十三年創築三十四年加幫 趙家樓東
後備護月堤自石家樓西起至鄧家林止長九百二
丈康熙三十三年創築三十四年加幫 趙家樓東
南北格堤南自臨河堤起北至縷水堤止長三百二
十五丈康熙二十五年創築歷年歲修 格堤迤東
臨河堤自格堤頭起至黃家莊前止長五百五十三
丈康熙三十八三十九兩年修築 火星廟後九鋪
迤東臨河堤自本堤起至郭家莊前止長二百一丈
康熙四十一年修築 桑垆寺後臨河堤自黃家莊
起至鄧家莊止長七百六十五丈康熙三十七三十
八兩年修築 鄧家水口迤東臨河堤自本堤起至

郭家莊後止長一千八百一十六丈歷年歲修 孟
家樓臨河堤後月堤自孟家樓西起至孟家樓東止
係遠年老堤未經加修 朱王口北臨河堤後舊月
堤自朱家莊迤西臨河堤起至許家莊東止係遠年
老堤未經加修 包家瓦房前臨河隄自十四鋪起
至月堤頭止長五百一十丈康熙四十一年修築
許家莊前臨河堤自許家莊前起至姜家莊西止長
六百五丈康熙四十一年修築 楊家樓前臨河堤
後修護月堤自楊家樓前起至鄭家店西止長五百
二十丈康熙三十五年創築三十六年加幫 鄭家
店前臨河堤自鄭家店前起至朱王六壩西頭止長

行水金鑑卷五十八
三百五丈歷年歲修 朱王大壩臨河隄自大壩西頭起至大壩東頭止長四百一十五丈康熙三十二年修築 朱王大壩東臨河堤自朱王大壩東頭起至黑龍潭西頭止長九百九十三丈康熙三十二年十九兩年修築 黑龍潭臨河堤長五十丈係遠年老堤未經加修 黑龍潭東臨河堤自黑龍潭東起至江南碭山縣交界止長三百一十丈康熙三十九年修築

縷水堤俗名二堤離臨河堤十里上自曹縣交界起下至江南豐縣交界止計長五十四里明時所築嚮為河防首重之堤嗣將攔水壩築成臨河長堤則門戶之捍禦已在臨河為重而縷堤次之矣然邇年以來修守不敢稍懈一有殘缺即督令補築屹然仍為重門之障云

太行堤離縷堤十里上自曹縣交界起下至江南豐縣交界止計長六十九里明弘治十年河決黃陵岡大傷張秋運道始築此堤

曹單二邑堤工舊例不動帑金惟資額設之夫為數有限而汛險工長顧此失彼且正月集夫二月興工三月間工未就而桃汛至五六月而伏水發七八月而秋水溢時時可慮在在須防固工程而嚴守禦司事者所當加意者也

江南徐州黃河

舊叢云黃河入河南與沁水或分或合明初分六道出至陽穀入漕出歸德者至宿遷入漕出儀封者由新集趙家園經蕭北至徐小浮橋入漕此河流經徐之始也治水筌蹄云嘉靖六年以前黃河分為六道其兩道由河南鳳泗入淮其四道由小浮橋飛雲橋大小溜溝入河時則開歸徐沛利害相當今開歸沛諸流俱湮全河悉經徐州一道則開歸沛之患紓而徐邳之患博其不利亦不能兩害者勢也 河在徐州土人呼為汴河又名沁河又名小黃河按漕河志河居中汴居南沁居北河南徙則與汴合北徙則與沁合故此河之名有三今沁水久不達唯河合於汴爾汴由西來勢甚湍悍迤州城之東北與泗水合故稱汴泗交流而河徙西北出秦溝流至州城東南而下則其名亦不可混矣 黃樓在州城東門上宋蘇軾建按蘇轍黃樓賦序曰熙寧十年七月乙丑河決於澶淵東流鉅野北溢於濟南溢於泗八月戊戌水及彭城余兄子瞻適為彭城守水未至使民具畚鍤蓄土石積芻芻完室隙穴以為備自戊戌至九月戊辰水及城下者二丈八尺雨晝夜不止子瞻衣藁履屨廬於城上調急走發禁卒以從事令民毋得竊出以身率之城得不潰水既涸乃請增築徐城相水之衝以堤防之于是即城之東門為大樓墜以黃土曰土能勝水徐人相勸成之今城之東角尚有黃樓蓋後人踵而為之然非其舊矣 徐呂二洪古稱最險自永樂中陳瑄鑿洪通漕各設分司官治洪事至嘉靖間分司主事陳穆陳洪范相繼鑿石平之行者遂若履坦道矣 南岸上自河南虞城縣交界起

下至靈璧縣交界止計程二百六十里北岸上自山

東單縣交界起下至邳州交界止計程二百七十一

里設徐屬河務同知管理修防其汛六在南岸曰碭

山縣汛蕭縣汛

舊叢云碭山縣在江南徐州西北一百七十里縣治在芒碭山之陽山在河南永城縣界黃河繞縣西北五十

里東北二十里與虞城縣接界南郭外有新濇澤河徙而成南北可二十里東西四十餘里經冬不竭明隆慶二年知縣戴偉鑿渠疏洩尋湮六年知縣王廷卿更開新渠以蘇昏墊有陳霜口河由虞城縣至汪家口分為二汗漫若湖明嘉靖二十六年知縣王紹元於汪家口築堤一道又為月堤順水堤然碭山地勢窪仰低下屢經水患地浮淤沙雖節經疏鑿遇漲率易故河渠之名變遷不常 蕭縣在徐州西三十里縣治在三台山之陽黃河自碭山縣楊村口始入縣東百里許至於州界遷徙無常水患頻仍康熙十七年總河靳創建沿河遙堤格堤及迎水壩甚有利益其遙堤由楊村口入縣之邵家套及徐州順河集復至縣之大柳樹田家樓郝家集及北城楊家莊接徐界而東其格堤南自東鎮店舊長堤起北至舊縷堤止障水南下毛城鋪入閘蕭無水患全賴此堤其迎水一壩在田家樓縷水歸河又利導之宜也誠能 徐州郭工汛徐州

小店汛在北岸曰豐碭汛

舊叢云豐縣在徐州西北百五十里南至碭山縣七十里至蕭縣六十里黃河在縣

南五里許土人呼為濁河一名白羊明嘉靖五年河決城陷蕩然無存知縣高祿遂遷縣治於東南華山居焉三十一年知縣徐瑛復還舊治萬曆三十年河

決朱旺口縣當正衝濬澗殷流幾與堤平知縣戴一松防守維勤益修繕舊堤加濶而高至今賴以捍禦 徐州大壩汛

碭山縣汛自虞城縣交界起至蕭縣交界止縷堤長一萬四千四百一十七丈計程八十里
自虞城縣交界起至毛城鋪止舊有縷堤長一萬五百六十丈八尺內近毛城鋪山石閘一段長一千五百四十丈康熙二十三年修築
自毛城鋪石閘起至蕭縣界止縷堤長三千八百五十六丈康熙二十三年修築
毛城鋪小石閘一座大石壩一座俱康熙三十三年建伏秋黃漲由此出小神湖康熙三十九四十年河身漸深水不過閘惟四十一年異漲之水出閘

定國寺舊險工今因河勢北徙停修

定國寺月堤長一千九十丈康熙三十八年創築
蕭縣汛自碭山縣交界起至徐州交界止縷堤長一萬一千六百八十九丈計程六十五里康熙二十三年修築內有卑薄處三十八年又加幫 東鎮口格堤長八百六十四丈康熙十九年創築格堤北有大

橫堤格堤南有小橫堤皆舊廢堤

河防雜說云黃河南岸上自碭山縣毛城鋪起下至徐州

城止雖原有遙堤一道然近者離河五七里遠者離河二三十里其間地勢高窪不等每於伏秋異漲之時河水必從窪處出漕直灌堤根自順治初豫省荊隆口潰決全黃北瀉之後下流河身處處墊高彼時雖竭力堵塞而河底之深窞不能復前此之舊又黃河消長無定長則出漕消則歸漕方其出漕之時挾沙而漫迨水落歸漕而沙留於岸是以近河灘地每為淤墊較之二三十里外原舊築堤之地竟高五七尺或丈餘不等故直灌堤根之水不一二日而水高於堤少窪之處漫溢成缺歲歲然也不知此水下注不特屬徐州縣每被漫淹而其水全歸洪澤湖撼擊高家堰高堰一有不支則全淮東瀉黃躡其後

而清口淤運河墊清水潭等工皆不可保矣是徐州以上礪蕭黃河南岸堤工雖與運道隔遠而實與運道相關甚切也康熙十九年於近河高灘之上已築縷堤一道約長一萬八千餘丈固可免十一州縣之水災但屬卑矮不足以禦非常異漲更須幫築高厚務期堅實又於蕭縣東鎮店地方築格堤一道約長八百餘丈有此一堤雖遇異漲自有重門之障潰決之患永可免矣

徐州郭工汛自蕭縣交界起至徐州三山頭止計程六十六里

自蕭縣交界起至徐州王家山止縷堤長三千四百五十八丈康熙二十三年修築內有單薄處三十八年又加幫

王家山天然石閘一座康熙二十三年建以洩黃漲自三十九年至今河底漸深水不過閘

十八里屯東西兩頭各天然石閘一座康熙二十三

年修築

自苗家山起至冰雹山止縷堤長一千五十丈康熙三十八年創築

自韓家山起至段家莊西頭止舊有民修堤長四百九十三丈康熙三十八年加幫

韓家山南山溝中舊有民築土堰長七十三丈康熙三十八年加幫

韓家山堤工因黃河上灣溜水南射逼近堤根內鄰石狗湖地勢卑下最關緊要康熙三十九年創築月堤自楊家樓起至段家莊止長四百五丈以為重門之障

段家莊舊險工康熙三十九年於對岸沙嘴挑挖引河大溜下徙

郭家嘴險工因黃水自西南直射北岸蘇家山觸激山根折奔南岸以致郭家嘴奶奶廟一帶正當大溜頂衝歷年以來大溜或由奶奶廟之上或由奶奶廟之下忽東忽西遷徙無常康熙三十九年臣鵬翮勘閱形勢逼近徐城最為緊要題請建修石岸長五百三十九丈三尺現在修砌四十年置鐵犀一座於堤上以鎮水

自雲龍山黃茆岡起至徐州西關街柵欄門止蘇堤長六百三十八丈康熙三十八年修築

徐州志載蘇蘇禦水築東南長堤起戲馬

臺屬於城天啓甲子河決城潰堤僅存一線今土人所稱蘇堤又在城西南自黃茆岡屬城西關與志不同意當日水消之後軾又嘗築堤為備而志考之未詳與戲馬臺在城南里許高數十仞廣袤數百步昔項羽因山築臺以觀戲馬宋武帝為宋公時在彭城九月九日出遊戲馬臺是也

徐州舊有護城石岸長五百一十五丈康熙三十六年加高三尺六寸又攬軍墻南渡口長一十二丈九

尺三十六年創砌

河防雜說云徐州州城以上礪豐蕭徐四州縣黃河治城卑如釜底而人烟湊集緊貼河邊河身寬不過六七丈束水至急若不於上流稍留宣洩之地則一逢異漲勢必灌淹州城民社倉庫俱為澤國矣今於礪山縣南岸毛城鋪地方建三十丈寬減水石壩一座使上流雖過十分異漲而先於徐州北岸大谷山地方建三十丈寬減水石壩一座使上流雖過十分異漲而先於南岸毛城鋪減去半分再於北岸大谷山減去半分方可少殺其勢而徐城可保無虞矣其所減之水先貯礪山縣南岸之小神湖內逐漸流入濰河由歸仁堤減水壩歸入洪澤湖此係逐漸宣洩之水與漫決奔騰之勢不同不足為高堰各工之患也若欲盡善又須於蕭縣黃河南岸北自舊縷堤起南至東鎮口止築格堤一道約長八百六十餘丈所以束毛城鋪減下之水并上流各處匯歸雨水亦使暫住小神湖內其小神湖乃係堤裏窪地雨多則積水成湖亢旱則乾涸成地今貯減下之水分流南洩既殺其奔騰之勢亦無害於小神湖自可永無衝決之虞矣

行水金鑑卷五十八
下洪奎山店堤一道長一百二十七丈嚮係民修其
戩堤康熙三十七年幫築此堤外臨黃河內傍支河
最爲險要三十八年改挑支河二百丈以保隄工
自七里溝接奎山店堤起至三山頭止遙堤長一千
四百九十丈內接奎山店堤長二百二丈康熙三十
七年加幫又接奎山店堤戩堤長二十九丈三十八
年築又卑薄處三十八年加幫
徐州小店汛自三山頭起至靈璧縣交界止縷堤長
八千八百六十丈計程四十九里康熙二十三年修
築

潘家馬路歲修險工長六十四丈康熙四十年間因

對岸新生雞心灘大溜埽灣崖岸坍塌遂成險工
楊橫莊歲修險工長四百三十五丈埽臺長四百一
十四丈康熙三十七年加幫
楊橫莊挑水壩西雁翅歲修險工長四十二丈
楊橫莊月堤長三千四百三十六丈康熙三十一年
修築

曹家莊搶修險工長八十六丈

曹家莊月堤長四百六丈康熙三十八年創築

潘家馬路楊橫莊曹家莊三險工相連北岸沙嘴逼
溜頂衝康熙四十年內遵

旨取直於北岸開挖引河一道長一千八十丈引水東

下以殺其勢

楊家窪歲修險工長三百二十三丈埽臺長三百五丈康熙三十六年加幫

楊家窪月堤長七百二十丈康熙三十八年創築

韓壩舊險工月堤長三百五十六丈康熙三十八年修築

小店歲修險工長三百一十丈

阿防雜說云小店受頂衝大溜蓋其水受長樊大壩折而來南

者也下埽修防歷年已久幸河勢不變故得無恙

小店月堤二道一長三百九十丈康熙三十六年修築一長三百六十丈三十六年因河勢下徙創築

自小店迤東起至靈璧縣界止有民築臨河子堤長

四千五十三丈

豐碭汛自單縣交界起至徐州李道華家樓止縷堤長一萬三千一百九十三丈二尺計程七十三里

河防雜說

云黃河北岸有原有舊遙堤者有原無舊遙堤者無堤之處固不待言而有堤之處俱離河三四十里不足以資束水故於單縣界起下至徐州李道華樓止築縷堤一道此足以障意外之水矣其李道華樓以下地勢稍高可以不必築堤設遇百分異漲之年雖有毛城鋪大谷山兩壩宣洩倘去不及又藉此無堤之地以宣洩之庶一切堤工與徐州治城俱可永保無患矣

自單縣交界起至吳家寨止舊有民修縷堤長一千丈康熙三十八年加幫

自吳家寨起至李道華家樓止縷堤長一萬二千一百九十三丈康熙二十三年修築卑薄處三十八年加幫

吳家莊搶修險工長一百二十五丈五尺此工向係歲修因康熙三十九年於上壩頭築迎水壩一座迎挑水勢使大溜向南又於對岸挖去灘背以順其流險工漸平四十年遂改為搶修

谷家莊歲修險工長一百八十五丈谷家莊即在吳家莊之下康熙三十九年九月閒全黃直射此工堤岸坍塌一百七十餘丈危險異常將此工題入歲修

吳家莊谷家莊險工相連康熙三十九年加幫埽臺長二百四十八丈又築月堤長九百四十三丈徐州大壩汛自李道華家樓起至邳州交界止計程一百九十八里

自李道華家樓至蘇家山無堤之處計九十里蓋因黃河上游寬闊而徐城以下窄狹一遇大漲即難容受故從來不議築使漫溢之水從岡頭湖荊山口輾轉入於運河也

自大谷山起至蘇家山止堤長四百四十七丈康熙三十八年修築內有大谷山石壩一座蘇家山石閘一座俱二十三年建以洩黃水異漲

自陡山起至子房山止縷堤長一千三百一十五丈康熙三十八年修築內有鎮口閘一座今沙淤黃山口民修小堰長九十丈康熙三十八年加幫

自華家樓起至長山頭止民修隄長一千九百六十

文康熙三十八年加幫卑薄處內狼矢溝歲修險工長二百五丈

狼矢溝月堤長八百丈康熙二十五年修築

自關王廟起至大壩上壩頭止民修堤長五百九十五丈

長樊大壩歲修險工一段長三百二十丈大壩險工

舊有月堤長四百九十丈自大壩尾起至王家山止

民修堤長九百八十丈自王家山起至出頭山止天

生土壩長九十六丈自九山起至出頭山止遙堤

長一千六百八十九丈為大壩險工重門之障康熙

三十八年修築

河防雜說云黃河過徐州二十里折而往北遂成長樊大壩險工四百五十五丈此工內係窪區大溜頂衝最

為險急設有疎失則滕嶧邳宿運河俱成平陸矣雖歲歲下埽未嘗少弛然非久遠之計須於九山出頭山之中創築遙堤一道以防意外之虞此為重門之障不可不加意也

自董家山起至盧家山止遙堤長一百八十二丈康熙

熙十九年創築

自盧家山起至邳州界止遙堤長一千四百八十二

丈康熙十九年創築

以上俱張文端治河書 靳文襄公治河書云自徐邳以至海口千有餘里險工甚多有昔險

而今平者亦有昔平而今險者蓋河道變遷衝刷不常之所致也前代河患在北其險多在開封大名河間東充間今河患在南開封所屬唯滎澤北門一險當歲加埽土以防之東省唯曹縣傅家集一險向挑引河尚未成此河一成便可變險為平若江南則自徐州以下險工不可屈指詳記之冀後此司河者加之意焉 徐州南岸險工三曰郭家嘴乃治西南護城隄盡處曰楊家窪在長樊大壩南曰小莊在楊家窪東其北岸險工曰長樊大壩 河防雜說云徐州城東黃河北岸狄家山向有涵洞小閘一座并兩頭廢堤今議欲築堤一道不知此係山岡老土黃河異漲之時聽其漫流由山後小河經邳州彭家河入運河諒不至成患若一經築堤則東水不洩邳州一帶工程未免擔險愚意不復築堤聽其為天然減水壩可也 徐州北岸花山一帶原屬卑窪之區向來漫

水自康熙十六年引動大溜幾至奪河其水漫淹邳宿兩處田地由駱馬湖仍入黃河迨至十九年春夏之間下埽堵築斷流又於董家山起歷龐家山至邳州工界止動帑創築遙堤一千六百六十餘丈以為經久保障年來宿民稍稍受益而邳地亦涸出甚多矣

卷第五十八

行水金鑑

卷第五十九

河水

邳睢靈三州縣黃河北岸上自徐州交界起下至宿

遷縣交界直河口止計程八十二里零係邳州境

舊靈州

在淮安北四百五十里州志云黃河舊繞半戈山北崇禎未改流羊山之南水勢散漫沙墊底高於是青墩營張家灣大壩等處屢報口決而邳歲受河患本朝康熙七年河水泛溢全城盡沒自此積為巨浸已已春天子南巡所在問民疾苦允邳民前奏發帑金四萬三千兩改建州城於艾山

山之前為小山下為城黃河在舊城南自彭城歷呂梁由睢寧界至五工頭迤東始入邳境流四十里接阜河抵宿遷縣界清水河即舊黃河南岸屬睢寧北岸屬邳州順治初塘池壩塞始由今河而清水河猶存其跡在舊城護城堤南董家堂北是也河防雜說云邳州南去離城五里許有小山一座高不過十丈然係礮石最為堅硬名曰象山其山原在大河南岸前此河直之時離山尚遠近年上流河勢逐漸南徙大溜直搗山根山堅而硬不能衝塌竟成兜水之形水原向東南而行因被山阻反折而往西北以致上流南岸既生戴家樓一險而下流北岸又生塘池大壩一險上年於塘池大壩之下又生羊山寺前一險費料甚多究皆象山兜水之所致也仍須於南岸使之暢流其險自然稍平矣邳州治城在黃河北岸緊臨大河向稱富庶之區然地勢甚窪是以康

熙七年河流泛漲全城陷於水底廬室盡漂田畝俱浸人民四散僅存一二百家棲息護城隄上堤外里許有埽工一帶通長五百七十餘丈所謂董家堂險汛也自十八年以來西堵花山決口北築唐宋山并運河堤工于是州城附近方四五十里約有田數千頃皆可耕種但董家堂埽臺卑矮埽臺之內又係積水深坑取土一擔往返數里每夫窮日之力不過挑土十餘擔二十一年伏秋歲末有漫潰之勢二十二年春夏兩季竭盡人力僅僅加高二尺而伏秋之水亦復加長二尺又幾幾漫溢百計搶救方保無虞此亦當設法加幫以防非常也 黃河自睢寧南岸韓家莊折而向北直搗邳州北岸五工頭堤工遂成險汛其來已久此工長二百餘丈 黃河南岸上自徐州交界起下歲歲修防與董家堂相等也

至睢寧縣

蒼葦云在淮安府西三百九十里黃河自縣西北七十里自徐州界入縣境睢水自宿州靈璧東流而下入睢寧界歷孟山潼

郡至子仙鎮經埋頭過廟灣繞縣治後再東抵高作耿車而盡於小河口入黃河自天啓二年崇禎二年黃河衝決故道遂湮今小河自孟山東下歷縣治南界由找溝而東南入祠堂湖口俗之所謂小河者即昔睢水也泗水合沂水歷睢治經小邳入於淮所傳沂泗交流是也後因黃河南徙遂合為一而沂泗之名亦不存矣 交界衛工頭止計程二十二里零係靈璧縣境

蒼葦云在鳳陽府東一百二十里有磬石山禹貢泗濱浮磬即此北為黃河與睢寧縣接界河防雜說云靈璧堤工在在窪區從前每多漫缺大為歸仁堤高家堰清水潭等工之害康熙二十二年大漲堤頂僅高水面一二尺有奇不等且萬頃汪洋風浪不時大為可畏亦須一律加高約以六尺為度并加僉排椿

庶可禦風浪而無虞矣 靳文襄公治河書云自徐州界房村起至睢寧界賈家灣止三十里地勢甚卑而張寒二堡尤窪下形兜灣築堤輒圯蓋地窪則水積形兜則囊水也而風濤難禦因於瀕河高處築子堤一道直接峰山以暫挽漫溢而於子堤之內大堤之外開小河一道於清涼寺建涵洞數聯以引黃計十年之後窪地皆可淤高此後堤工既易築亦易保矣然涵洞雖建必須着兵夫常川看守修其圯壞通其壅積以放黃入淤否則洞亦空建或以此地去十數里可無大虞然地卑易衝 上自靈璧縣交界衛工頭起下至民田交錯司河者能無慮乎

宿遷縣交界古堤頭止計程一百里零係睢寧縣境

設有邳睢靈璧河務同知一員管理修防其汛三曰

靈璧縣汛睢寧縣汛邳州汛

靈璧縣汛自徐州交界起至睢寧縣交界衛工頭止

縷堤長三千九百四十八丈康熙二十三年修築

自徐州交界撐堤起至龍虎山止臨河子堤長二千

六百八十四丈內接徐州子堤長七百七十四丈係

民築其一千九百一十丈康熙二十四年修築徐靈
交界處縷堤與子堤不同縷堤在謝家樓之西子堤
在墨家口之西

墨家口工康熙三十年舊堤塌斷復築小堰猶恐卑
薄不足以捍禦口西有民築撐堤一道長一百一十
六丈康熙四十年令河兵加幫以防墨家口出水不
致倒灌張寒二堡張寒二堡即在謝家口地方最為
窪下向來常常漫缺者也

睢寧縣汛自衛工頭起至峰山四閘止縷堤長一千
三百四十五丈康熙十七年創築內自龍虎山至峰
山共閘四座康熙二十四年建以洩異漲之水流入

孟山等湖

河防雜說云睢寧縣黃河南岸舊有遙堤卑矮不堪而清水口
一帶內係窪區而外有積水如黃河風浪搏擊最為危險歲修
之費每苦不資康熙十八年於峰山龍虎山上下創築縷堤數千丈包清水口
積水於堤內然後挖開舊堤撤乾積水變成膏田數百頃睢民賴之今則全
河歸故新築縷堤尚屬卑矮
亦當按水跡一律加高也

自峰山四閘起至武官營止縷堤長三千三百一十
一丈三尺康熙十七年創築上兩堤內有遙堤長三
千二百五十丈今廢

武官營子堤長七百四丈康熙二十四年舊縷堤塌
斷復創築

武官營大月堤長三千一百三十四丈康熙二十四
年修築康熙三十年間武官營險極曾於月堤之中
又築重堰未竣而北岸沙灘開空引河告成河流北

徙其工遂廢

自武官營起經朱家樓王家堂至余家堂止縷堤長二千四百二十三丈康熙二十三年修築

朱家樓前格堤長五百三十五丈康熙二十四年創築

王家堂歲修險工長三百一十一丈五尺康熙三十八年秋漫缺七十四丈賠修新堤卑薄三十九年

題明動帑重修又撥令河兵於漫口西頭建挑水壩一座東頭建迎水壩一座不使水衝新堤又幫築兩壩埽臺共長五十五丈加寬二丈始足防禦

王家堂舊月堤長一千六百丈前被水衝殘康熙三

十九年撥令河兵修築

自余家堂起至戴家樓止縷堤長一千九百丈康熙二十三年修築

戴家樓歲修險工長三百四十丈舊有月堤長五百九十三丈康熙三十八年加幫北段二百五十五丈

又另築南段長八百四十丈自戴家樓起至韓家莊止縷堤長二千八十二丈康熙二十二年修築 韓

家莊月堤長一千一百一十丈康熙十七年創築

云戴家樓一帶大河去堤原遠乃近年逐漸南徙竟成極大險工今須用長椿大埽徹底裹護又須多築壩臺迎溜抵禦始保無虞 自董家堂折而歸南至睢寧南岸之韓家莊河離堤根原不過數十丈上流花山決口未堵之前大河水勢緩而且少是以未遽成險及康熙十九年花山堵塞全河歸故水急溜大直搗堤根彼時飛集料物價下大埽隨機鑲套始得保固今已成最險之工必須歲歲修防無一勞永逸之策也 韓家莊月堤一千一百一十丈蓋緣全河大

溜頂衝而來勢甚勇悍不得不築月堤以障之又上自韓家莊埽工東頭起下至宿遷縣界止堤工長六千一百九十餘丈此係民工甚屬卑矮必須加幫以張

自韓家莊起至古堤頭宿遷縣界止縷堤長六千一

百四十一丈五尺康熙二十三年修築

新文襄公治河書云
睢寧之境盡於南岸

險工三一曰王家堂一曰戴家樓一曰羊山寺河自鯉
魚山峰山兩崖中建飯而向南北衝突三處皆頂衝也

邳州汛自徐州界起至廟山止縷堤長二百二十三

丈康熙十七年創築內有舊格堤

自綿山起至拐山止格堤長二百一十九丈康熙十

七年創築

馬家山格堤長一百九十五丈康熙十七年創築

自劉家寨起至劉家店止縷堤長三百四十丈康熙

十七年創築

自豐山起至青羊山止縷堤長一百八十三丈五尺

康熙十七年創築

自青羊山起至塘池舊遙堤中間止縷堤長一千八

百六十二丈康熙十七年創築自青羊山至舊遙堤

頭有堤今廢

塘池搶修險工長九十一丈柳園頭搶修險工長七

十四丈兩工相連共長一百六十五丈塘池月堤

長四百一丈康熙三十六年創築

自塘池起至羊山寺前止縷堤長四百九十二丈康

熙十七年修築羊山寺前歲修險工長二百七十

八丈

自舊遙堤中間起至羊山寺西止遙堤長五百二十

一丈康熙十七年創築羊山至半戈山有堤今廢

自羊山寺前起至董家堂頭壩止縷堤長一百一十

四丈康熙十七年修築羊山寺東有格堤格堤南頭

又有橫堤今俱廢

自董家堂頭壩起至馬船幫止歲修險工長六百二

十一丈

自馬船幫起經宋家莊至五工頭止縷堤長一千一

百九十二丈五尺康熙十七年修築 邳睢廳署前

有撐堤長九十八丈康熙十七年創築今居民鱗集

已為街市又自邳睢廳署前起至五工頭西止有堤

又自前堤中間起至戚字堡月堤頭止有舊遙堤今

俱廢

宋家莊搶修險工長九十八丈

自五工頭起經戚字堡至舊遙堤頭止縷堤長八百

四十五丈康熙十七年修築

戚字堡歲修險工長一百一十九丈康熙四十年置

鐵犀一座於工上鎮水

戚字堡險工因對岸沙灘日長逼溜頂衝康熙四十

年遵

旨取直於南岸開挖引河長五百七十丈分殺水勢今

已成河

戚字堡西撐堤長七十八丈康熙三十八年創築又
月堤長四百四十丈康熙三十八年將舊遙堤改修
戚字堡東有舊遙堤今廢

自舊遙堤頭起至沈家堂止縷堤長九百五丈康熙
十七年創築

自沈家堂起經青墩營姚家莊三官廟至直河口宿
遷縣界止縷堤長二千四百五十三丈九尺康熙十
九年創築

青墩營搶修險工長七十七丈姚家莊歲修險工長
一百三丈三官廟歲修險工長二百二十二丈三工

相連共長四百六丈 青墩營姚家莊三官廟三工
埽臺康熙三十八年雖經修築長三百八十八丈頂
僅寬三丈三四尺四十年撥河兵重修新舊頂共寬
六丈有餘足資捍禦 青墩營姚家莊三官廟共月

堤長六百四十丈康熙三十六年創築

靳文襄公治河書云
邳州之境盡於北岸

險工四曰塘池大壩曰羊山寺曰董家堂州既去舊治移寓城南堤其南里許
即董家堂乃剝膚之虞也曰五工頭在治東南 河防雜說云邳州北岸隄工
因有險汛相隔分為五段第一段工上自徐州界起下至鯉魚山止計長八百
三十餘丈第二段工上自鯉魚山起下至塘池險工止共長三千六百七十餘
丈第三段工上自塘池險埽工迤東新堤頭起下歷羊山寺至董家塘埽工西
頭止共長五百七十餘丈第四段工上自董家塘埽工東格堤起下至五工頭
埽工西頭止共長九百九十餘丈第五段工上自五工頭埽工東頭起歷青墩
營至宿遷工界止共長四千二百三十餘丈皆係康熙十七八年動帑新築
之工十九年以前大河去堤甚遠至二十年忽然北徙直衝堤根况其中地勢
甚窪半為鍾水之區乘風撞擊設或破堤而過則黃流隨躡其後為害不可勝
言所以年來屢用順埽百計護堤頗為費料也今須於頂衝要處多築壩臺埽
工要處並簽排椿餘俱加築高厚設遇意外之漲有備無患矣又於徐州界起

至廟山止綿山起至拐山止各築格堤一道此兩處皆係山澗深溝設或縷堤有失則建瓴之勢北瀉堪虞也又於羊山寺東至西築遙堤一道防其北流羊山寺南築格堤一道障其東注如此不惟

邳州民社可安而邳宿運河亦保無虞矣

宿遷縣

蒼叢云在江南淮安府西二百四十里有馬陵山去舊治北二里其山高聳為一邑雄觀 本朝總河靳輔大興河工鑿山洩七十二道山河水設橋於上以通行人舊治西北一里曰靈傑山馬陵之餘脉也前阻黃河濟汶沂泗諸水合流自直河入境經流小河以會黃河自古城入桃源縣界有侍止湖周圍三十餘里水由草狼溝入河有上泊水湖由武家溝入河 黃河南岸上自睢寧縣交界

古堤頭起下至桃源縣交界白洋河鈔關口止計程六十三里北岸自邳州交界起至張莊運口止又自吳家墩起至桃源縣交界止計程共七十八里屬宿虹河務同知管轄其汛四南岸曰蔡家樓汛陳家道口汛北岸曰攔黃壩汛大古城汛
蔡家樓汛自睢寧縣交界起至徐家灣西張王廟止

縷堤長六千三百五十丈康熙三十八年修築

蔡家樓歲修險工老堤頭歲修險工二工相連共長三百五十丈

彭家堡歲修險工長一百四十二丈

蔡家樓墩郎廟月堤長二百九十五丈老堤頭月堤長四百三十九丈彭家堡月堤長八百七十五丈俱康熙十八年創築又三工總大月堤長二千一百九十六丈五尺三十八年創築

陳家道口汛自張王廟起至桃源縣交界止縷堤長五千一百一十七丈九尺康熙三十八年修築
徐家灣龍門搶修險工 臨河堤長一千二十一丈

康熙三十八年修築

陳家道口歲修險工舊長九十一丈五尺又坍塌河崖二十五丈共長一百一十六丈五尺

陳家道口月堤長九百五十丈康熙三十八年創築

攔黃壩汛自邳州交界起至張莊運口止縷堤長五千九百一十六丈

自邳州交界起至阜河石礮迤西止縷堤長二千四百八十五丈康熙三十八年修築

朱家莊舊險工今河溜南徙堤外沙淤停修

朱家莊月堤長五百二十三丈一尺康熙三十六年修築

阜河攔黃壩西堤長二百四十九丈六尺康熙三十八年修築攔黃壩臨河堤長三十六丈五尺三十六年修築內歲修險工舊長八十四丈五尺新生七丈五尺

攔黃壩東堤長二百二十九丈三尺五寸康熙三十六年修築

攔黃壩迤裏攔運河堤一道長三十九丈康熙三十六年創築

自攔黃壩東堤起至張莊運口止縷堤長三千四百三十一丈康熙三十八年修築

大古城汛自宿遷縣西門吳家墩起至桃源縣交界

大古城止縷堤長八千一百五十八丈五尺康熙九年創築

蕭家渡舊決口戩堤長八十五丈康熙三十六年創築

朱家堂舊減水壩基長一百一十三丈四尺康熙三十六年拆壩創築

楊家莊舊決口戩堤長七十八丈康熙三十六年創築

河防雜說云黃河自宿遷以下旁洩方有入海之途而自宿遷至清河縣黃淮交會之處計程一百八十里其間舊堤未嘗不高也祇因河底屢墊故河灘亦隨之墊高河灘既已墊高則堤工每被淤沒是以覺其低耳然從堤外河灘而觀則覺其低而由堤內民地而觀則巍然高峻外高內窪故凡有漫決即成建瓴之勢理固然矣此一百八十里堤工迤北之地在宿遷不過十分之三桃源約有十分之五清河約有十分之七沐陽海州則全在其中此各州縣地畝原極卑窪非地窪也河高而祇覺其窪也故每遇堤工潰決一次則民地亦漸漸淤高楊家莊木決之前止有桃源北岸之地被新莊口七里溝黃家嘴等

各決口之水淤高其自徐昇壩迤西十里許起歷崔鎮古城楊家莊朱家堂蕭家渡以至宿遷計程一百里近堤一帶全係水田不可以耕而遠堤去處亦莫不低窪停水自楊家莊潰決之後大溜經行四載有餘朱家堂以下俱行墊高朱家堂以上十餘里尚屬卑窪迨蕭家渡一決而宿遷附近亦俱墊高總之前此水田今則皆成高亢之區其減水壩分洩之水自有河形流歸大海不致淹田且再經數年之後凡有未墊之窪地亦可逐漸淤高此所以楊家莊埽工一百六十餘丈蕭家渡埽工九十餘丈不可不堵築堅固也

溫州廟舊減水壩基長三百二十七丈五尺康熙三十八年修築

河北鎮下灣搶修險工 挑水壩三道其第一第二

道康熙三十六年築第三道四十年築第二第三道俱搶修 河北鎮險工戩堤長二百三十六丈八尺

康熙三十六年幫築 河北鎮月堤長九百七十八丈八尺康熙三十八年創築

自卓家莊起至大古城桃源縣交界止縷堤長一千六百二十六丈康熙三十六年修築

大古城歲修險工長一百一十四丈宿遷黃河北岸上自張莊運口起下至矮堤頭止計程一十一里屬宿桃中河通判管轄

臨黃縷堤自張莊運口起至駱馬湖口西裏頭止長一千九十一丈五尺又自駱馬湖口東裏頭起至攔馬湖砂礮嘴迤上矮堤頭止長九百八十三丈二尺

俱康熙三十八年捐工人員承修蒼叢云府縣志駱馬湖去宿遷治西北十里由董家溝陳瑤溝以入運河河防雜說云自宿遷縣城西北起一帶連山約行九百里至山東歷城縣地始見平陽再西北二百里至德州城南名黃河涯乃宋朝以前老黃河故道也黃河北行則必過歷城西北南行則必出宿遷東南然後有歸海之路自宋神宗十四年黃河南徙由汴河東南奪淮入海歷今六百餘載矣

北道壅塞多年盡成田廬久已不可復問至今日而求黃河之故道即會淮入海之道也但黃河自星宿海發源其派原大益以山陝河南萬山之水合流而來每至不可測量從前雖百計隄防而隄高水亦高常被漫潰一經漫潰則水盡旁洩正河淤墊運道不通矣是以為今之計不得不建減水壩以洩其非常之勢俾保堤工以全運道而衛民生也然上流碭山之毛城鋪徐州之大谷山邳州運河之萬家莊馬莊集以及貓兒窩之各減水壩不過暫分其怒漲之勢其水仍歸黃河若徑洩入海之壩則自攔馬湖始康熙二十二年伏秋異漲皆賴此壩宣洩得以保全各處堤工其所洩之水俱入宿遷侍北湖歸揚家莊決口迤下舊河形內東北入海至此壩先則清黃並洩自黃水消落河邊挂口斷流止洩駱馬河清水壩係五座內兩傍高底減水之地計寬一百八十餘丈中央深河洩水之地計寬十八丈蓋為蕭家渡初合龍門求其分洩故用此中央之深河也今蕭家渡合龍已經一載下流黃河俱經漸加寬深不必更留深河相度籌維將中流挑土實填另於兩旁添造高底橋壩一百丈以待他日異漲可也

駱馬湖口竹絡石壩一座康熙四十年 題准修建

駱馬湖口迤東臨黃外口險工搶修

臨黃外口迤東石閘一座康熙三十九年修建

石閘迤東攔河大壩長十六丈康熙三十七年築靳文襄公

治河書云宿遷南岸險工四一曰蔡家樓一曰彭家堡一曰徐家灣一曰白洋河草壩北岸險工三一曰朱家堂一曰楊家莊大壩并逼水壩一曰古城諸險之中朱家堂逼近運河尤為險要 河防雜說云康熙十六年以前黃河大溜緊貼宿遷南岸白洋河鎮市而行是年楊家莊潰決今河北瀉勢不可遏從此歷年以來每多水患若一面改挑引河又築大磯背壩壩臺一座逼水全歸引河而白洋河鎮自無水患但此壩濱臨大河欲保無虞又須築格堤一道約長七八十丈此亦工之不可緩者

歸仁堤在宿遷縣黃河南十六里始於明嘉靖間所以捍睢水湖水及黃水使不得南會於淮而又遏睢

水蒼葦云括地志睢水首受浚儀縣浪蕩渠水東經臨慮縣入泗今一統志稿曰睢水汴水之支流也今自河南陳留縣東北與汴河分流經永城縣南而入徐州碭山縣界下流至邳州宿遷縣東南而會於泗謂之泗口亦曰小河口以睢水亦兼小河之名也漢志睢水歷郡行四千三百六十里今經流多為大河所奪按河南通志開封府下睢水在陳留縣東北四十里又名堤河合小黃河東流經杞睢寧陵達於徐彰德府下睢水在夏邑縣南二里經永城縣合沙白二水達於宿州宿州志云睢河在州北二十里源出河南夏邑白河東流經州之符離會泗水入淮夏邑與永城接壤然則睢水無二源也湖水使之并入黃河助其衝刷也歷年堤工廢棄不修致

祠堂湖一帶連決七口盡諸水而注之淮河以為高堰害幸我

皇上審悉形勢知其緊要

詔令興修堤工既完又開引河引諸水至桃源老堤頭出以達於黃又慮黃水消長靡常於歸仁堤建閘三座於老堤頭建閘二座黃水大則閉老堤頭閘開歸仁堤閘以放水入淮黃水小即閉歸仁堤閘開老堤頭閘以引水刷黃節宣有制可以垂久遠而無弊矣舊屬宿虹同知管轄今新開引河在桃源境者屬桃源同知管轄

歸仁集西烏鴉嶺土堤上自虹縣屬鳳陽府交界起下至歸

仁集石工頭止計長五百九丈康熙三十八年修築
歸仁堤舊石工上自歸仁集起下至五堡格堤頭止
計長三千八十八丈六尺康熙三十八年修砌其內
土堤四十一年重修

五堡迤上雙金門闌三座西曰利仁東曰歸仁中曰
安仁俱康熙三十九年建五堡舊減水壩於二十三
年被水衝決四十一年堵塞

歸仁石工東舊堤上自五堡起下至桃源縣交界止
長三千七百五十七丈康熙三十九年修築內自五
堡迤下起至九龍廟止石工長一千一百丈三十九
年創砌其下自九龍廟起至桃源縣界止即作新開

引河之南岸東水堤 格堤自五堡起至便民閘止
長二千七百二十五丈康熙三十八年修築便民閘
係十九年建

引河自九龍廟起至桃源縣境老堤頭黃河邊止計
長三千七百丈四尺五寸在宿遷境長三百五十七
丈七尺五寸在桃源境長三千三百四十二丈七尺
康熙三十九年挑挖

桃源境引河南岸東水堤接宿遷堤起至老堤頭黃
河邊止長一千四百六十二丈康熙三十九年創築
引河北岸東水堤自格堤三堡起至桃源縣黃河
邊止計長三千七百七十六丈七尺在宿遷境長六

百八十三丈康熙三十九年創築在桃源境長三千九十三丈七尺內五百九十五丈係舊堤重修其二千四百九十八丈七尺係創築

宿遷境北岬東水堤內小石閘一座通運料小河之水康熙四十一年建

桃源境老堤頭出水閘一座曰祥符閘又月河小閘一座曰五瑞閘俱康熙三十九年建月河長九十六丈九尺三十九年開挖

引河口門東水橫堤長四十丈內草壩一座俱康熙三十九年建

康熙三十八年七月初十日

上諭看圖內將歸仁堤便民閘等口俱已堵塞其毛城鋪以下各口尚未堵塞即將此處堵閉則毛城鋪等口所出之水由何處洩去必致於散漫各處民受大害所關甚屬緊要此處宜速籌一策

三十九年九月初十日總河張鵬翮摺奏康熙三十八年七月初十日

上諭云云到前河臣于成龍查勘於四堡挖引河由胡家溝出黃水尚未估計臣到任後率同部員廳縣等官相度形勢胡家溝迤東地勢頗高恐引水不暢且地係沙土難以建閘復於八月初二十四等日率同道廳等官再加查勘挑挖引河之處在於涵洞口起至老堤頭迤東出黃河地勢低窪打量水平黃河

行水金鑑卷五十一
崕地平比黃河水面高五尺五寸縷堤外地平比堤裏地平高三尺舊河崕地平比舊河水面高一尺七寸四分通平牽筭湖水比黃水高七寸六分自涵洞口起至黃河邊止共長四千八百五十丈四尺內自涵洞起至九龍廟止見有舊河一道計長一千二十七丈九尺河身深窪不必挑浚唯有舊河起至黃河邊止應挑引河長三千八百二十二丈五尺估挑面寬十丈底寬四丈深八九尺一丈不等應於黃河縷提出水之處建造石閘又於臨河之處建築草壩隨時啓閉以防黃河倒灌再加歸仁堤五堡建磯心石閘若遇黃水異漲則閉黃河縷堤之閘將此五堡之

閘開放以洩湖水不致漲裂堤身於引河南北兩岸築束水堤並補築九龍廟舊堤缺口七處加砌石工使水不致旁溢如此引河開成則洩歸仁堤之水出黃河可以衝刷河身可以保護民間田廬不致淹沒又使此水不盡歸洪澤湖可以減高堰水勢但事關緊要工程約需錢糧二十九萬餘兩微臣不敢擅便伏乞

聖裁奉

旨此事曾屢經面諭于成龍最爲緊要乃于成龍性偏未行詳看遷延時日以至於今觀張鵬翮所奏甚爲合理此事所關至要著九卿詹事科道會同速行詳議具

奏趁今年黃河水小之時興工毋誤圖并發 九卿會

議具覆奉

旨依議速行

以上俱張文端治河書

史與歸仁堤考曰歸仁堤控黃淮界桃宿與高堰相表裏蓋高堰為淮揚之長城而歸仁堤又高堰之屏障也其上流來源自徐漢口歷蕭縣靈壁等處二百餘里合永堽姬村湖水由宿遷之符離溝經邳之睢河而匯於埭子白鹿等湖從白洋河東西兩溝入黃河黃之泥沙得此而汰故俗亦名汰黃堤河防一覽謂本堤所以捍禦黃水睢水湖水使不得南射泗州並攻高堰而又遏睢水湖通則睢湖諸水往入黃河而歸仁之水減半其籬籬則又在耿車時兒灘一帶之罨蓋此堤高厚堅固則睢水不得漫入埭子等湖而河常通矣故上自高原下至時灘皆當接築長堤歲加修守蓋修守此堤即所以守歸仁也况小河常通則靈睢宿遷積水得洩而沮洳漸成沃壤又舟行徑直免犯湖險而小民便於販易為地方利又非淺鮮也又按賚麥堂記云堤受白鹿等湖水由白洋河與黃水會其越小河口者又上流之支分也二水既合直趨高堰淮揚之民不為魚鼈者幾希堤成諸水悉由小河故道復入於黃高堰得殺水勢而保無衝決水不旁流而永無奪河之患 御史徐越修復歸仁集堤疏曰黃河水勢本強淮河水力原弱前人借水以濟運必欲助淮力得北而與黃爭先防阻淮水趨南而與湖會何也近黃河者有睢水埭子湖水其勢甚大且遇黃河一漲則

能與此水相連倘無堤以攔之直下而東則中阻淮水北行之道淮水半趨而南其北道者無全力則為黃所阻而不能入河以濟運其南趨者且滙諸湖之水漫溢於周橋一帶為高寶各邑淪胥之患今議者從事於周橋啓閉及堅築翟壩傾圮於水勢不可謂不審但淮水有源有委臣謂當先施力於上流之歸仁堤然後議及於下流之周橋一帶乃獲有利無害耳夫歸仁堤上過睢水埭子湖水使併白洋河口以刷董口一帶之沙淤而為益於運道下則兜睢湖諸水使不得衝入淮流以阻其勢復南借周橋翟壩過淮水下湖之便安得不怒激以取路清口耶淮水全出清口而兩河治運道通矣 河防雜說云宿虹二縣歸仁堤一工共長六千三百二十五丈六尺內創工二千七百二十八丈幫工三千四百八十八丈六尺民工一百九丈皆所以流上灘水并毛城鋪減下之水以及碭蕭徐宿靈睢宿遷等各州縣雨水又因黃河之底自數十年來節次墊高後尚未得驟然刷深誠恐清水積高有傷堤岸是以又建五堡減水壩一座暫洩異漲又建便民閘一座以通行旅康熙二十二年伏秋時雨最大之時五堡減水壩底之上過水二尺五寸有奇三教堂便民閘底之上過水五尺七寸及用水平將此清水與黃河較之其黃水面尚高於清水六尺有奇迨至隆冬黃水已消七尺有奇清水僅有其尺許而清黃始得相平然不能外洩也惟將便民閘底改深三尺閘牆亦加高三尺一經改深則上流清水由閘者多而由五堡減壩者少再於黃河南岸大堤之內挑小河一萬八千餘丈引此水直至清河縣出口仍歸黃河則不特分其注高堰之勢而且可為沿堤運料之資河邊多栽柳樹將來采伐亦易於轉運不誠大有益於河防耶 泗州志云按歸仁堤去州治幾二百里去州境亦近三十里許自歸仁集迤東至桃源之于家岡約長五十七里此雖虹睢桃源等處地界而實居泗之脊背也

通白洋河東流與黃水會其曰小河口者又上流之支流也徐邳而下河身卑窪以故湖水隨漲隨涸間漫及泗境猶為害不甚自黃水徙蕭縣義安山合永堀湖水流入宿州之符離溝歷邳州之睢河與宿虹白鹿埠子藕湖等水匯為巨浸由拖犁溝南流入泗境安河會淮水為患一遇伏秋倒灌小河口白洋河由歸仁集東橫闊四十里奔泓而下嗣後逐年衝決經蕭陽宿睢虹濱河州縣田廬淪沒彌甚萬曆二十年堤東轉北新接小土隄衝漫自岳家莊入大橋口由黃家堰過六師院接安河凡七八十里俱被滄蕩居民奔竄巡按舒公題改石堤三千餘丈後相繼增修自是泗境無患迄康熙五年堤久傾頽水勢衝突直逼泗境與高堰平即淮揚之災益烈矣夫泗受淮患三閘閉既無所疏歸仁摧復有所入彈丸尺土水上浮漚三版孤城中流一葉幾何不胥而為魚也康熙十年奉旨修砌河歸故道泗可無憂黃而為今日切膚之憂者蓋又專在淮矣

卷第五十九

行水金鑑

河水

卷第六十

桃源縣

蒼叢云桃源縣在淮安府西北一百六十里黃河在治北百十餘步由淮達海徐邳泗河之下流治西六十里有白洋河上通汴河下達黃河鎮東屬桃源鎮西屬宿遷有黃壩新河萬曆二十四年分黃導淮開挑自三義鎮上起由毛家溝等處達灌口下海 黃河南岸上

自宿遷縣交界白洋河起下至清河縣交界駱家營止計程八十八里北岸上自宿遷縣交界古城起下至清河縣交界駱家營止計程八十二里設有桃源河務同知管轄其汛四南岸曰煙墩汛龍窩汛北岸曰九里岡汛磯嘴汛煙墩汛臨河堤上自宿遷縣交界白洋河鈔關口起下至舊縷堤止長一千四十一丈康熙十九年創築

白洋河舊縷堤自宿遷縣界起至臨河堤頭止長七百六十丈康熙十七年築今廢

自臨河堤頭起至烟墩舊險工東頭止縷堤長七千二百九丈六尺康熙十七年創築內四千四百二十六丈六尺三十六年加幫

自半邊店起至熊家莊止縷堤長八百三十丈康熙四十年修築半邊店一名野飯店

河防雜說云自宿遷以至白洋河四十里之間兩岸堤工離河俱不甚遠加以蕭家渡徐家灣楊家莊三大工場臺緊貼河邊東水太急若下流再不稍為寬縱則必有疎失之虞是以白洋河迤下南岸堤工不築於近河而直與築於離河七八里之外也但築堤之處其地高低不等內有謝家窪野飯店等窪區數十丈最危最險二十二年已經全釘排椿本年伏秋異漲賴此椿工護土不特堤無損傷而堤外窪灘俱淤高三四五六尺不等業已改險為平此又皆遙堤之功也

煙墩歲修險工舊長二百五十八丈康熙四十一年

東頭新生險工一百五丈此工近來對岸沙嘴日長逼溜南射以致加險四十一年閏六月間大水暴至舊埽衝盡堤土坍塌亦幾無餘臣督率河員晝夜搶築不數日而戩堤成以次下埽畢復幫築埽臺長三百六十丈又於對岸開引河長五百九十二丈以殺水勢又煙墩迤東舊有護城堤長五百七十丈今加幫高厚又接築六百一丈共長一千一百七十一丈為煙墩之月堤以資防禦

以上俱張文端治河書

煙墩險工於康熙四十二年

皇上親閱在於大王廟東

指示建築挑水壩一座長十五丈三尺五寸寬五丈發

帑遣官建築

桃源廳治河事宜冊

龍窩汛自煙墩舊險工東頭起至駱家營清河縣交界止縷堤長七千七百四丈八尺康熙九年創築內自煙墩舊險工東頭起至高家灣止三十八年加幫卑薄處自高家灣起至駱家營止四十年加幫卑薄處

張家莊歲修險工舊長四百三十丈康熙四十一年又新生險工五十四丈此工於三十五年七月間漫缺三百五十二丈是年堵塞四十一年閏六月間異漲之水復於張家莊之下顏家莊漫缺八十餘丈至十月間堵塞

張文端治河書

龍窩張家莊險工於康熙四十二年

皇上親閱

指示建築挑水壩一座壩臺長二十七丈三尺壩身出

水長十丈寬八尺發帑遣官建築

桃源廳治河事宜冊

張家莊北岸顧家灣引河長九百二十丈康熙四十年開完

談家莊歲修險工舊長二百七十丈康熙四十一年又新生險工五十大康熙四十年置鐵屏一座以鎮水四十年創築月隄長六百一十六丈又加幫埽工尾縷堤長一百二十丈九里岡汛自宿遷縣交界起至河北鎮止縷堤長八

千一十二丈五尺康熙三十六年修築 歲修險工
長三百三十三丈三尺埽臺長三百二十八丈康熙
三十八年加修 張文端治河書

九里岡險工於康熙四十二年

皇上親閱在於大王廟東

指示建築挑水壩一座長九丈八尺寬四丈發帑遣官
建築又於四十四年

聖駕南巡回鑾

指示舊龍門處建壩二座第一座長十四丈寬五丈第
二座長十三丈寬五丈 桃源廳治河事宜冊

崔鎮石壩一座康熙三十二年閉塞

徐昇石壩一座康熙二十五年閉塞

上渡口歲修險工長六十丈壩臺長二十八丈四尺
康熙三十八年加修

磯嘴壩汛自河北鎮起至清河縣交界止縷堤長六
千八百二十九丈一尺康熙三十六年修築內馬家
莊一段長四百四十丈三十八年又加幫

七里溝磯嘴壩歲修險工長五十七丈

支河石壩一座康熙三十二年閉塞

新莊口排椿工長一百四十丈康熙二十七年 建

三義石壩一座康熙三十二年閉塞

三岔歲修險工舊長一百一十九丈康熙四十一年

又新生險工長二十丈

三岔險工壩臺長二十四丈康熙三十八年加修

張文

半路劉險工於康熙四十二年

皇上南巡在於上水頭頂衝處

指示建築挑水壩一座長五丈寬八丈上下雁翅各長

八丈發帑建築

桃源廳治河事宜冊 靳文襄公治河書云桃源南岸大險工三日烟墩曰龍窩曰李家口北岸險工五日九

里岡曰上渡口曰七里溝雞背壩曰新莊口曰三岔 河防雜說云桃源縣南岸李家口一工向來溜走堤工祇因北岸七里溝新莊口楊家莊等工相繼潰決大溜北瀉是以不為修防今河歸故道此工險倍平時若挑引河一道并築挑水壩一座相機修守自可永保無虞矣

清河縣

蒼葢云清河縣在淮安府西五十里河去縣一里縣西三十里有三汊河口泗水至此分為大小二清河大清河經縣治東北入淮俗稱老黃河今湮其小清河於縣治西南入淮即今之清口也但舊以泗流清於淮故名清河至弘治初黃河從徐邳入本河而水愈濁遂為黃河矣

黃河

北岸上自桃源縣交界駱家營起下至山陽縣交界

泗鋪溝止南岸上自桃源縣交界吳城

蒼葢云吳城去清河縣治南三十里在大

河之涯東西有二城相隔五里宋紹興三年罷楚州吳城縣為鎮自此城廢

起下至山陽縣交界季家

淺止山陽縣

蒼葢云山陽縣即淮安府治東北至草灣黃河二十五里北至老壩口黃河三十餘里西北至清口六十里東至海口二

百三十里黃河自汴至徐經邳宿桃源三義鎮入口由毛家溝抵清河縣後謂之大河口會淮流過漁溝達安東下雲梯閣入海謂之老黃河明嘉靖初三義口塞南從清河縣前亦與淮合謂之小清口徑清江浦至草灣轉西南過淮安新城北達安東萬曆四年兵備副使舒應龍開草灣河成分為兩道各四十餘里復合過安東總下雲梯閣入海十六年勘河給事中常居敬因淮侵陵寢抵於強黃而不能洩銳意欲復老黃河故道知府張允濟力持不可乃止

黃

河南岸上自季家淺清河縣交界起下至海口止北

岸上自泗鋪溝清河縣交界起至安東縣

蒼葢云安東縣在淮安府東北

九十里淮水在治南百餘步經雲梯閣東北入海蓋自清口至此皆古淮水為黃河所奪也縣志過縣南東流五十里又東北過雲梯閣折旋入海雲梯閣在縣東北一百里又東北一百二十里為海岸墩臺又東北六十里為大海閣百詩先生曰雲梯閣海口濶處幾十四五里或七八里安東而上大約二二三里此

即禹貢以來淮水入海之道也王宗沐曰海州東海口在州東一十五里黃淮之正流於此入海安東縣張綱海口在縣東北一百二十里黃淮之支流於此入海諸說不同未知孰是淮南水利考曰海道自兗而北以至於薊自揚而南以至於廣其海口內外皆有山有島唯淮口獨有沙潮落微露其形潮來則翻騰而上勢若排天也河防一覽云議者因海壅河高致決隄四溢遂以浚海為上策不知漲沙當海口之中潮退則見潮長則沒無可施工之處縱乘潮退施工而一沒之後濁流淤泥隨復如故矣故海無可浚之理唯當導河以歸之海繕治河堤俾無旁決則合流勢勇沙隨水去海口自不虞淤若堤日繕而決日聞非庫薄不能支即迫近不能容與雜以浮沙而不能久耳誠多築縷隄以束之又為遙堤使水有所遊蕩築必以真土則復何患哉如上述聽其旁決下流復岐而分之水勢益分則其力益弱安能導積沙以達之海乎支河一開正河必塞近事良可鑒也

自安東縣交界雲梯關起至海口止安東縣上自北岸顏家河山陽縣交界起下至雲梯關山陽縣交界止三縣黃河南岸共計程二百六十餘里北岸共計程二百四十餘里分屬山清外河山安河務兩同知管轄

山清外河同知所轄黃河北岸自駱家營起至泗鋪溝止南岸自吳城起至陳家社迤下止其汛五在北岸曰清河北岸汛在南岸曰清河南岸汛山陽外河汛山陽上河汛山陽下河汛

清河北岸汛自駱家營桃源縣交界起至中河口西岸止縷堤長二千三百四十五尺自中河口東岸起至泗鋪溝山陽縣交界止縷堤長六千四百六十三丈一尺康熙三十八年修築三十九年加幫地勢窪下堤身卑薄處龍王廟黑魚汪一帶五百七十六丈及前工未竣王家營至泗鋪溝八百六十三丈五尺四十一年又加幫自護縣堤頭起至玉皇閣埽工

止二百二十一丈五尺又玉皇閣險工卑薄處四百八十五丈

石人溝歲修險工長五百丈

玉皇閣歲修險工長六百九丈

河防雜說云清河縣北岸玉皇閣一工緊貼縣治計長二百二十五丈二十二年大溜侵堤而河高地窪危險非常雖嚴督下埽不時蝨陷此清河之第一險工也

陶家莊堤外引河長七百八十丈康熙三十八年

聖駕南巡親閱水勢恐黃流逼近清口淮水不得暢出詔開引河引黃北注乃屢完屢澱至四十年臣復題

請開完寬深已經告成

護縣堤在縣治後自娘娘廟起至龍王廟止長一千四十二丈八尺康熙二十六年前河臣靳輔開鑿中

河築堤以護縣治四十一年陶莊引河告成水勢附近縣東縷堤恐致侵害創築撐堤於縣治東護縣堤之內自縷堤起至護縣堤止長二百八十四丈又加幫護縣堤於撐隄之外自撐堤頭起至縷堤止長一百九十丈以為縣治重門之障

王家營迤西縷堤上舊有減水壩歷久圯廢康熙四十年重建土壩口寬三十丈壩內挑引河以洩黃水

異漲由鹽河入海

河防雜說云清河北岸西王家營大減水壩一座洩水之地計長一百丈此係創建之工更當加築三合土并添建磯心以資啓閉又中減水壩寬十二丈六尺東減水壩寬十二丈六尺俱係創建之工尚須添置木枋

清河南岸汛自吳城桃源縣交界起至張福口橫堤頭止縷堤長三千五百一十丈康熙三十八年修築

未竟四十年重修

張福口橫堤自縷堤起至清口西壩止長四百九十二丈康熙三十七年築清口兩岸東西兩壩俱三十七年建

陳家莊東挑水新壩一座康熙三十八年

聖駕南巡駐蹕於此相度河勢親定方所

命築壩挑黃水北入陶莊引河不致逼向運口今土人

俱稱

御壩四十年建設雁翅一道又清口西壩亦添築雁翅又自挑水壩至西壩築順堤長四百八十五丈五尺今河溜全趨北岸淮流暢出四十一年異漲之水清黃

俱順軌而東絕無壅抑之虞矣

自挑水壩尾起至縷堤止撐堤長三百四十六丈康熙四十一年創築

自陳家莊至挑水壩順水小堰一道係民築

清口東甘羅城隄自甘羅城西南角迤西裏河交界起至卞家汪工頭止長一百三十一丈舊椿埽工康熙三十八年修築內接卞家汪長五十五丈搶修

羅城舊傳秦甘羅築徐節孝以為即淮陰故城水經注淮水東北經淮陰故城即此相近有韓信城即韓侯舊釣處也烟波淼然孤城西枕渡者從城隅接流而過片帆一葉捷如鳧盪波中豪客騷人每多歌詠寰宇記云信封侯築河防雜說云清河南岸甘羅城椿埽工二百一十五丈當黃淮交會之衝防守最宜嚴密

卞家汪堤自甘羅城北起至天妃壩石工頭止長八十四丈舊搶修椿埽工今題准改建石工康熙四

十年置鐵犀一座以鎮水

以上俱張文端治河書

康熙五十一年奉

上諭今年清水小黃水大黃河大溜過西壩直向卞家汪激成回溜以致倒灌清口迨後清水暢出刷通清口船行無阻今欲於天妃壩以上卞家汪以下相度形勢仿照

御壩規模建壩一座內蓄清水之勢外禦黃水回溜諭總河趙世顯勘明形勢酌妥即行具奏再將陶莊引河疏濬深通務必導流仍由北岸而行清口自無倒灌之虞遂遵

旨估計題請發帑在於卞家汪建壩一座挑溜仍由北

岸至陶莊引河遵奉

皇上指示再加疏浚亦估計加挑寬深黃流暢行現今

成河

外河廳河工事宜冊

天妃壩石工三百四十七丈康熙二十九年建砌三

十一年添設雞背壩一座長十丈搶修

河防雜說云清河南岸天妃壩磚石工三

百三十餘丈此工當黃淮交會之下內運外黃最為險要歷年既久工程不堪每逢大漲則黃水漫過每漫磚石之上所賴迤裡尾土必須加高數尺捲掃描溜以為經久之計也

惠濟祠後舊埽工自天妃壩尾起至龐家灣止長一

百六十二丈康熙三十九年題准改建石工

張文端

治河書

康熙三十八年十月內前部院于疏稱清河縣惠濟

祠後一工乃黃淮交匯埽灣之處一線孤堤每遇風浪撞擊危險堪虞奉

上諭將惠濟祠後題請改建石工又康熙四十四年四月內恭逢

皇上南巡指授方略於惠濟祠前後建築挑水壩二座并卞家汪舊挑水壩亦加寬厚前河院張題請發帑建築挑溜開行以保運道

外河廳河工事宜冊

自龐家灣起至季家淺山陽縣界止縷堤長四百六丈五尺康熙三十八年修築

山陽外河汛自季家淺起至三岔止縷堤長一萬一百九十五丈康熙三十八年修築內自上張莊至三

岔一千四百八丈四十年又加高二尺

王公堤石工

靳文襄公治河書云此堤一線石工內捍運河外抵黃淮二瀆之衝為數百萬國儲咽喉地一有所失不特其上烟火

萬家舉為魚鱉而自清江浦以至高寶一帶遂無運道清水潭必至再決下河周圍千里必盡陸沉是時即更費數百萬金錢竭數年之民力恐未易竣然此一堤最難保護若開引河則地形未便非捐帑四五十萬不能唯有歲修石工排椿固址一有坍塌便行補葺而於上流層次築逼水壩二三重以護之一則摘溜以禦衝一則回湍以聚砂使其日漸壅墊若石工之外得淤灘二三十丈則堤址愈固永無衝決之虞矣自海神廟至老

壩口長五百九十五丈明萬曆三年漕督王宗沐捐俸創築以禦河惠民為立碑廟祀號曰王公堤歲久淤墊乃築外越隄長六百二十丈三十八年加幫護

以椿埽

張文端治河書 河防雜說云山陽縣黃河南岸乃清江浦王公堤石工也計長五百九十五丈亦係內運外黃勢屬頂衝其險要情形

更甚於天妃壩康熙十六年之前黃河淤高堤外有沙灘數百丈不等附近居民蓋屋於沙灘之上者不可勝計且堤頂有僅露石一二層者有俱埋沒沙內者近年以來淮黃漸次歸還故道堤外沙灘盡行洗去前此居民築室之處水且深二三丈矣大溜直衝迴漩滿岸年遠未修之工或裂或卸不時報險除十

八二十一兩年修過之外其餘不堪舊工俱應通長加高以禦異漲也 上自王公堤石工東盡頭起下至雲梯關止二百里之間有老壩口湯董莊潘家密高家莊顏家河上張莊朱家背真武廟周家渡唐家堡小茭陵大茭陵何家莊沈家圍馬邏左家口時家塢等各險工埽壘竟如林立皆綠河勢南行是以北岸河灘多係雜堤甚遠而大溜屢屢南侵也然其間工程有大

有小忽險忽不險總要隨機度勢加緊修防以衛民生運道耳

康熙三十八年三月初三日

聖駕南巡看閱黃河堤岸
上諭王公堤甚屬險要務須加幫修築堅固遵即具
題加幫 又於康熙四十二年

聖駕南巡

上諭王公堤關係運道民生最為緊要堤岸單薄椿埽亦漸朽應再加幫河院張即估計 題請發帑加幫
又於康熙四十四年恭逢

聖駕南巡

上諭王公堤建築挑水壩一座河院張即估計 題請發帑在於王公隄外建築挑水壩一座挑溜北向

外河
應河工事宜冊

老壩口歲修險工長一百四十二丈

小車路口歲修險工長六十丈

大車路口歲修險工長二百五十丈

兩車路口月堤長三百三十丈康熙三十七年創築朱家溝歲修險工長一百九十四丈

洪福莊歲修險工康熙四十年長六十丈四十一年又新生三十二丈幫築裏戲堤長二百丈以資防護

自老壩口至洪福莊五險工相連康熙四十年置
鐵犀工上以鎮水

柴市歲修險工長一百九十三丈雞背壩一座康熙
二十八年築 湯董莊歲修險工長二百四十二丈
此兩險工相連

上張莊歲修險工長五百一十九丈

自車路口起至上河汛大菱陵止汰黃堤長一萬二
千二百五十九丈八尺康熙三十八年修築

山陽上河汛自三岔起至葉家營止縷堤長八千八
百九十七丈三尺康熙三十八年修築未竟四十年
加幫卑薄處長六千三百八十四丈一尺

尹家莊歲修險工長二百七十丈 韓家莊歲修險

工長一百六十五丈此二工相連康熙四十一年築
大月堤一道長八百八十丈又加幫韓莊埽臺長八

十丈 尹韓二工對岸引河長六百四十丈又韓莊
東引河長五百二十丈一以分尹韓二工之水勢一

以分安東便益門之水勢俱康熙四十年開完
新港歲修險工長一百五十丈

周家渡歲修險工長二百四十丈

唐家堡歲修險工長六百六十七丈

小菱陵歲修險工長一百四十四丈

小菱陵格堤自縷堤起至汰黃堤止長一百八丈康

熙三十六年創築

何家莊歲修險工長九十丈

大菱陵歲修險工長四百二十六丈以上五險工相

連

山陽下河汛自葉家營起至陳家社迤下山安交界止縷堤長一萬三千一十二丈康熙三十六年修築

自上河汛土壩頭起至下河汛童家營止共長三千

二百九十三丈又自馬家社起至時家塢流泉溝止

長一千八百四十一丈俱康熙三十八年簽釘排

胡家莊歲修險工長一百六十丈

童家營歲修險工長一百七十八丈此工於康熙三

十五年決口至三十六年堵閉大溜衝決於外積水

蕩漾於內新堤單弱難恃康熙四十年建月堤一道

長六百七十丈於對岸開引河一道長六百二十丈

又堤內下埽壓土幫戩以資捍禦

左家口舊險工長一百二十丈今堤外沙淤停修舊最

文襄公治河書言山陽之險俱在南岸險工最多凡十有二曰王公堤曰老壩口曰草灣湯董莊曰顏家河上張莊曰真武廟曰周家渡曰唐家堡曰小菱陵曰何家莊曰大菱陵曰馬邏沈家園曰羅家左家口二十里今較之張公所載者多寡又不同也

自馬家社起至塗州馬頭止排樁工長一千八百四

十一丈康熙三十八年修建

北沙臨河堤民修

陳家社迤下縷堤其下有泉水迸出屢築屢陷康熙

四十年於隄外築兩小月隄以護陷處又築大月堤長四百八十丈護小月堤之外

山安河務同知所轄黃河北岸自泗鋪溝起至海口六套止南岸自陳家社迤下山清外河交界起至海口陸家社止其汛五在北岸曰安東汛上河汛下河汛北岸汛在南岸曰南岸汛南岸自陸家社竈工尾至海計程五十四里北岸自六套堤尾至海計程六十九里

安東汛自泗鋪溝山清外河交界起歷顏家河至安東縣東門止縷堤長九千一百四十一丈八尺康熙三十六年修築三十九年又加修

邢家河險工長六百五十丈康熙四十年於埽牛之上加鑲丁柴高四尺又壓土二尺以資捍禦

鄭家馬頭歲修險工長一百三十五丈

時家馬頭險工歲修新舊共長二百二十九丈八尺又搶修三十五丈此工於康熙三十六年漫缺周五十餘里民田廬墓盡沒水中至三十九年堵塞四十年又築磯嘴壩一座

便益門歲修險工長三百一十八丈康熙四十年置鐵犀工上以鎮之

南東兩門歲修險工共長二百五十丈 安東一邑頻遭水患康熙四年河決茆良口又小決口數處漂

溺廬舍人畜無算九年九月二十六日風雨大作城
闕衝決城內水深數丈溺死男婦甚衆十年河決邢
家河口二鋪口張駱二口至十七年堵塞邢家湖等決口
在康熙十年今
郡縣志載十
五年者誤三十五年七月初二日中河水溢由便民塘
入城本年居民自行堵塞三十六年六月初十日河
決時家馬頭以致便民塘又開次年六月居民又自
行堵塞前河臣以此非黃河堤岸故置弗理數年來
城中積水地上行舟房屋坍塌人民遷徙至四十年
臣設法開放洄出平陸民始復業西北郊外一帶汪
洋今皆得而耕種矣
上河汛自安東縣東門起至彭家灘止縷堤長八千

九百三十三丈康熙三十一年修築三十九年加幫
險要處

汪家莊搶修險工長二百五丈康熙四十年建築磯
嘴壩一座長十二丈 二塘搶修險工長四十丈
汪莊二塘兩險工相連康熙三十九年水勢洶湧幾
至漫溢至四十年汪莊西頭建築磯嘴逼溜開行兩
工稍平所以 題完汪莊引河業經奉

旨允行復 題停止 汪莊二塘月堤長五百九十丈
康熙三十九年創築

密灣搶修險工康熙三十七年搶修一百四十二丈
三十九年搶修一百五十五丈四十年河身漸深水

勢稍平止搶修挑水壩二丈七尺四十一年異漲之水搶修一百五十七丈八尺

下河汛自彭家灘起至雲梯關山陽縣交界止縷堤長八千七百一十一丈五尺康熙三十六年修築三十九年重修

龍潭口搶修險工長五百五十丈此工內外積水汪洋風浪盪激最屬險要康熙四十年堤外創建排椿鑲柴堤裏下埽填土共資防禦

老堤頭歲修險工長三十四丈康熙四十年建築磯背壩一座

佃湖搶修險工長四十五丈康熙四十年建築磯背

壩一座

北岸汛自雲梯關起至六套止縷堤長八千一百四十二丈五尺內有康熙三十六年修築卑薄之處又有三十八年捐工人員領工未經興修之處三十九年俱重修 雲梯關乃黃淮入海故道相傳當年關下即為海口所以立關設營有守備駐劄關以外舟楫所不及也潮落沙淤滄海漸為桑田南北兩岸有港有套有渠本無堤岸前河臣靳輔以一望平灘不分是河是地若不為之一束則雖黃河全歸故道而大溜到此四散而去究無入海之路因築兩岸長堤南岸地勢窪下多築二千丈然沙淤之土時合時開

是堤保守之難未可與他處同年而語者

河防雜說云雲梯關外以至海口

口竟有百餘里之遙向來原無堤堰自靳公於大修案內題允始築此兩岸長堤也良以一望平灘不分孰是河孰是地若不為之一束則雖黃淮全歸故道而大溜到此隨便四散而去究竟不能成河終無入海之路雲梯關外既無入海之路則關內壅遏無歸之水衝決頻仍殆無底止是以不得不為加築此兩岸長堤也然北岸止築堤至六套南岸止築堤至陸家社者蓋河至此處稍稍寬深可以不至四散至如北岸之堤短二千餘丈南岸之堤長二千餘丈者則因南岸地勢窪於北岸惟恐水到旁洩是以多為之束此二千餘丈耳目今一帶河漕俱寬一二百餘丈深二三丈不等海口大關急溜奔騰而下較之數年前之形勢實有大不同者皆兩堤之功也

馬家港康熙三十五年前河臣董安國以海口淤淺開挖引河導黃由小河口入海至三十九年二月間前河臣于成龍堵塞是年六月間被水衝開復築未就今大港口寬深河流順軌此港盡淤四十年置鐵犀堤上以鎮之

大港口即舊攔黃壩處康熙三十八年議拆攔黃前河臣僅拆其半至三十九年臣遵旨盡行拆去是年

賜名大港口 淮水由清口經安東出雲梯關以達於海此自夏禹至今數千年之故道黃河自宋神宗時南徙而與淮合今亦六百餘年其出海之口廣至數百丈深至數丈非人力所能為者或因上流不治水緩沙停以致梗塞而遂欲別尋一道以達於海此必無是理明潘季馴辯之甚詳邇來河臣不察誤築攔黃壩欲令河水盡由馬家港出下流既窄則上流愈益壅遏東衝西決將無已時幸蒙

皇上宸謨獨運

命盡毀攔黃壩

賜名大通口又

命廣闢清口淮水悉出會黃二瀆合流奔騰東注積沙盡滌今河面寬至二百餘丈即水落亦一百八九十丈深至四丈五六尺即水落亦三丈五六尺自大通口至惠家港八灘入海之處俱深三四丈不等自此兩河皆復其故而淮海之間永慶安瀾矣

柳園頭新生險工長二百九十五丈六尺

四套險工舊長五十二丈康熙四十年水勢漸平止修二十五丈四十一年水勢更平停修其題築月

堤亦暫停止

南岸汛自陳家社下山清外河交界起至陸家社竈工尾止縷堤長一萬二百六十一丈五尺內有康熙三十六年修築卑薄之處又有三十八年捐工人員領工未經興修之處三十九年俱重修

歪枝套堤長二千三十五丈九尺康熙四十年加幫高厚

辛家蕩滾水大壩一座現在興築

陳家莊新生險工正在大溜頂衝之處嚮年各處堤岸漫缺水勢至此平緩自康熙四十年清黃並下衝刷堤根遂為危險

西礪險工即在陳家莊下水勢頂衝兼以河面窄狹河中突出沙嘴洶湧愈甚康熙四十年加幫外坦堤八十丈內戩堤三百一十五丈臣又督令官弁挑挖沙嘴及對面河灘舊水面僅寬六十丈今衝刷至一百餘丈矣

掌家港險工在西礪之下康熙四十年七八月間陳家莊西礪危急此猶稍緩今西礪河面漸寬大溜直衝掌家港防護更須加謹矣

二鋪曰便益門曰南門曰東門曰節良口曰佃河而今張公所記則又多矣

修防事宜

勝國河臣言之詳矣文端公所記事近而言簡尤可法也

凡應用埽筒須捲長

十丈八丈者方穩高一丈者埽臺要寬七丈方捲得

緊如遇堤頂窄狹者架木平堤名曰軟埽臺然後捲下先將柳枝細成埽心拴束充心繩揪頭繩取蘆柴之黃亮者縛打小纓總繫於埽心之上每丈下鋪滾肚麻繩一條或不必用麻者即用蘆纜又將大蘆纜二條行繩一條密鋪於小纓之上鋪草為筋以柳為骨如柳不足用柴代之均勻鋪平需夫五六十名如長十丈者共需夫五六百名八丈者四五百名用勇健熟諳埽總二名一名執旗招呼一名鳴鑼以鼓衆力牽拉細捲後用竿桿戩推埽將臨岸將小纓均束於埽埽岸上每丈釘下留樞二根將滾肚繩挽於留樞之上每揪頭繩一根亦釘留樞一根以水勢之緩

急定楸頭繩之多寡漸次將埽推入水中將楸頭滾
肚用活扣結於留楸之上然後慢慢壓土俟埽將次
沉下然後下椿每丈用一尺八寸木一根若水勢湍
激頂衝埽灣並合龍之埽須用大木不在一尺八寸
之例每丈用料物細數照現行工部則例配用可也
卷埽下埽之法
運河同 凡黃河內埽工有修防有救險有搶險
有新生險修防工程於霜降後水勢退消驗查舊埽
傾欹者蟄陷者卑矮者朽爛者須將舊埽清消平妥
相機補下層層簽釘大椿照依大汛水漲之痕仍高
出數尺一律下成順埽薄敷以土俟其蟄定方可下
丁頭埽若埽未蟄實即下丁頭埽前順埽一有蟄陷

將別埽俱為帶動矣其救險工程將有危陷埽尚未
去急須臨河添壓大埽長椿靠堤急清舊埽恐為匯
崖填之以軟草將兩傍安穩之埽亦須補下大椿併
力救護勿使走動則工程平穩矣其搶險乃因舊埽
朽爛或因頂衝急溜將埽下衝空舊埽全去水匯崖
岸舊堤坍塌卸岌岌堪虞當此之際人皇皇莫知所措
搶險工程事有先後埽有緩急若悞下一埽悞釘一
椿反致逆溜湍激衝刷舊堤欲去不能每致債事須
責令久慣埽手或熟諳工程人員殫心料理責任既
專令其度量穩妥然後急為接下埽箇晝夜搶下庶
舊堤無虞兩旁之埽平穩矣其新生險工每於舊險

工之上下黃河大溜一時衝至埽傍舊堤坦坡坍塌
急須下埽直至開溜之處而止大率埽料黃河之內
以柳柴爲重次則枯草椿必長大繩須堅實至於壓
土非比清水埽箇黃水一入埽中即泥沙停滯若壓
土太厚反恐敬卸俗云下埽無法全憑土壓者乃是
言清水之埽也黃河內下埽之法凡黃河初決且不必急計
裏頭亦不必急計堵塞初開之時水勢洶湧未可與
爭看其出口急溜若有奪河情形須建挑水壩以遏
其勢上流挑挖引河以挽其流速運積料物料物既
積矣猶在得時時可堵矣裏頭舊堤務必多下邊埽
堅固停妥然後逐漸進埽埽不可緩緩恐決口漸深

又不可急急恐下埽有失埽必欲其大而長長大則
穩捲埽首重於繩纜其揪頭滾心滾肚必須長壯務
使繩勝埽莫使埽勝繩埽既下矣薄用土壓埽將沉
於水方釘簽椿再加套埽其椿亦必須長大計埽將
到底方可再進沉水將次合龍之際須查在工料物
除合龍之外仍多積料物須防合龍之後必有一大
蟄陷每於合龍之後復開決者率因蟄陷故也於合
龍之時晝夜兼工堵塞遇有毛道過水或係椿頂不
平或係埽手作弊故留罅隙必須急爲壓土使其平
實於罅隙用稻草或紅草塞之務使斷流若涓涓不
息漸至蟄陷蟄陷不急搶救則潰矣欲杜椿埽手之

弊惟有恤其勤勞厚以賞賚不必按日計值惟以成
工為主則工易舉而成亦速也至決口初開時不係
頂衝之處出口勢緩去口平散亦不必急計堵塞久
之率多掛口淤墊也黃河塞決之法凡黃河迎溜之處宜
建築挑水壩又名順水又名磯背又名馬頭其功最
大如清河縣境內之運口每為黃水急溜直逼下家
汪關攔清水不得暢出以致運口淤墊陶家莊引河
數挑不成仰遵

聖謨指示於運口迤西築挑水壩一座將黃水挑逼北
徙清水得以暢出陶莊引河得以成功今二瀆合流
河工告成者攸賴於是凡遇有險工之處照式築之

裨益非小酌試建築之法壩欲其寬不可甚長須做
雁翅邊埽以順上流勿使埽頭逆溜有掀揭之虞若
離縷堤遠者須接築格堤捍禦以防異漲時黃水溢
壩後衝刷之虞建築挑水壩之法

上諭黃河灣曲之處俱應挑挖取直於是挑挖陶家莊
引河工成而淮水暢流挑挖戚字堡楊橫莊引河工
成而險工遂平仰見

聖謨精詳黃流取直之明效也挑引河之法審勢貴於
迎溜而施功宜於深闊且俟水大漲乘機開放則有
一瀉千里之勢若挑挖太窄則受水無多遠難挽溜
以入新河若挑挖太淺水不全趨勢緩則墊若挑引

河太短水流不舒為正河所抑洄洑漩淤須挑挖六十丈或四十丈即窄亦須十餘丈須長二千丈或千餘丈即短亦須八九百丈方趨溜有勢而成河若挑挖引河太直因屬節省錢糧又恐直則平緩而無波瀾湍激之勢久亦漸淤也須隨黃河大勢開挑俾其河頭迎溜河尾洩水中間灣處急溜衝刷漸次河岸倒卸再於河頭築接水埽壩河尾築順水壩埽壩對河築挑水埽壩庶引河可成也挑挖引河之法凡屬河道必築堤束水歸漕以防旁溢無論創築加幫總以老土為佳但黃河兩岸率多沙土恐難盡覓老土須於堤完後務尋老土蓋頂蓋邊栽種草根以禦雨淋衝

汕築堤之法每土六寸行礮其岐縫處用夯堅築其新舊堤交界又用鐵杵力築層層夯礮期於一律堅實總以簽試不漏為度幫築堤工之法 河防志

卷第六十

實應以養不厭魚泉
此語與上句
 諸善與交界又用贈林大藥師
此語與上句
 山藥與之共母土六

